



招	菊
嬰	州
書	卷

武進盛  
氏彙刊

常州先哲遺書第一集目

**經類**

詩傳旁通十五卷

元梁益

江陰

文瀾閣傳鈔本



三續干文注一卷

宋葛剛正

江陰

海源閣影宋刻本

**史類**

崇禎朝記事四卷

明李遜之

江陰

舊鈔足本

三朝野

陳定生遺書三種

明陳貞慧

宜興

康熙刻本

秋園雜佩

山陽錄

書事七則

吳中水利書一卷

宋單錫

宜興

守山閣本

遂初堂書目一卷

宋尤袤

無錫

說郛本

得月樓書目一卷

明李如一

江陰

士禮居鈔本

**子類**

景仰撮書一卷

明王達

無錫

影鈔本

宜齋野乘一卷

宋吳枋

江陰

舊鈔本

梁谿漫志十卷

宋費衮

無錫

影宋鈔本

萬柳溪邊舊話一卷

元尤玘

無錫

舊鈔本

陽羨茗壺系一卷附洞山芥茶系

明周高起

江陰

栗香

五行大義五卷

隋蕭吉

武進

佚存叢書本

戒菴漫筆八卷

明李詡

江陰

藏說小萃本

集類

昭明太子集五卷

梁蕭統

武進

影宋鈔本

文選注考異一卷

宋尤表

無錫

影宋鈔本

蕭茂挺文集一卷

唐蕭穎士

武進

舊鈔本

補遺

文恭集四十卷補遺一卷

宋胡宿

武進

聚珍版擺印大典

春卿遺稿一卷補遺一卷

宋蔣堂

宜興

天啟刊本

摛文堂集十五卷

宋慕容彥逢

宜興

文瀾閣傳鈔大典

毘陵集十六卷補遺一卷

宋張守

武進

聚珍版擺印大典

補遺

鴻慶居士集四十二卷補遺二十卷

宋孫覲

武進

借書

內簡尺牘編注十卷

李祖堯注

蔡煥補注

無錫

乾隆

丹陽集二十四卷

宋葛勝仲

江陰

文瀾閣傳鈔大典本

梁谿遺藁二卷

宋尤表

無錫

道光刻本

歸愚集十卷

宋葛立方

江陰

丹鉛精舍校鈔影宋本

附信齋詞一卷

宋葛郊

名家詞本

定齋集二十卷

宋蔡戡

武進

文瀾閣傳鈔大典本

牆東類藁二十卷

元陸文圭

江陰

世德堂校刻大典本

清閤閣集十二卷

元倪瓚

無錫

城書室刻本

滄螺集六卷

明孫作

江陰

汲古閣刻本

荆川集十八卷補遺一卷

明唐順之

武進

康熙刻本

小辨齋偶存八卷

明顧允成

無錫

萬曆刻本

從野堂集八卷

明繆昌期

江陰

傳鈔本

落落齋遺集十卷 明李應昇 江陰 傳鈔本

金忠潔公文集二卷 明金鉉 武進 傳鈔本

薛堆山先生前集鈔一卷 明薛宗 武進 輩學齋校鈔本

韻語陽秋二十卷 宋葛立方 江陰 正德刻本

存餘堂詩話一卷 明朱承爵 江陰 藏說小萃本

附 留溪外傳十八卷 國朝陳鼎 江陰 康熙初刻本

青門集三十卷 國朝邵長蘅 武進 增編本

學文堂集二十四卷 國朝陳玉璫 宜興 康熙刻本

常州先哲遺書在事諸君姓氏

校對臨桂况周儀

宿松高駿烈

丹徒陳慶年

江甯馬長儒

陽湖吳文郁

汪衍

莊清華

趙諤壽

江陰謝寶琳

繆鳳祥

繆九疇

鈔校 文瀾閣書 仁和羅 架

錢塘丁立誠

汪康年

刻字黃岡陶子麟

長洲宋進鳳

篆首陽湖汪洵

史恩繇

書籤達縣吳德瀟

經理江陰繆荃孫

是編自梁訖明書四十種作爲常州先哲遺書初集附存

國朝集三種共訂六十四冊經始於甲午夏六月竣工於丁

酉冬十二月用白金四千八百餘兩

毘陵文獻盛於齊梁以迄勝朝代有傳述 國朝人文蔚起

獨標學派尤稱著作之林郡志藝文自經兵燹遺編散佚一

二孤集大氏有目無書斯文將墜桑梓足徵亦後學之責也

閒與繆筱珊汪淵若兩編脩商推攷訂援實齋章氏文徵之  
例彙刻成書蒐輯往代遺編數十種別爲四類先成初集  
國朝專集宏富別擇尤難僅刻成留溪外傳與青門學文兩  
集時事多難簡書敦迫未遑卒業因索觀者眾遂先印行以  
廣流傳猶冀朝野無虞暇得續成全集先哲有靈庶幾償茲  
宏願不禁馨香祝之有餘幸己光緒二十五年歲次己亥四  
月朔武進盛宣懷識



禮記

禮記

禮記

禮記

禮記

十

五

禮記

鈔	氏	夙
本	用	緒
開		今
書	文	酉
	灑	巷
	閣	誰
	傳	盛

欽定四庫全書總目卷十六

詩傳旁通十五卷

元梁益撰益字友直號庸齋江陰人自署三山者以其先福州人也嘗舉江浙鄉試不及仕宦教授鄉里以終事蹟附載元史儒學傳陸文圭傳內朱子詩傳詳於作詩之意而名物訓詁僅舉大凡益是書仿孔賈諸疏證明注文之例凡集傳所引故實一一引據出處辨析源委因杜文瑛先有語孟旁通體例相似故亦以旁通爲名其中如聖人之耦則引西漢書劉歆論董仲舒語見堯於羹見舜於牆則引後漢書李固傳以明出典或朱子所未詳者亦旁引諸說以補之如五緘五總引陸佃之語三單引鄭箋義卒孔疏副丁之類亦閒有與朱子之說稍異者如頃筐匭之集傳音許器切大雅民之攸斲集傳音許既切者從陸德明經典釋文益則引禮部韻謂許既切者在未韻音餼注云取也許器切者在至韻音洎

作巨至切朱子之音與禮部韻不同云云是是非非絕不堅  
持門戶視胡炳文等之攀附高名言言附合相去遠矣卷首  
爲類目末一卷則其敘說內一條論秦造父封趙因錄羅泌  
國姓紀原之文自謂此於詩傳雖無所繫而宋氏有國其姓  
亦當知故通之則尤贅之文汗漫無理可已而不已者也前  
有至正四年太平路總管府推官濱州翟思忠序明朱睦㮮  
授經圖遂以詩傳旁通爲思忠作殊爲疏舛今從朱彝尊經  
義考所辨案彝尊所引附訂正焉

夫詩六經中之一經也三百篇一言以蔽之曰思無邪六義以該  
之曰風賦比興雅頌蓋其言之美惡勸焉懲焉使人各正其性情  
也自聖人刪之後分而爲四曰齊曰魯曰韓曰毛校之三氏獨毛  
與經合學者多宗之故曰毛詩由漢而唐諸大名儒有傳有箋有  
疏有注異焉同焉各成一家至于有宋文公朱先生爲之集傳闡  
聖人之微言指學者之捷徑上以正國風下以明人倫豈但場屋  
之資而已哉三山梁先生友直號庸齋搢搢於此昧必欲開憎必  
欲解參諸先正聞之老宿遇有所得手纂成帙曰詩傳旁通旁通  
者引用羣經兼輯諸說不泥不僻如易之六爻發揮旁通周流該  
貫也用功懋矣淑人多矣嗚呼先生可謂溫柔敦厚深於詩之教  
者與至正四年秋九月十三日承直郎太平路總管推官致仕玄  
隱居士濱州翟思忠序

詩傳旁通類目

卷一

周南正風 周國名 后稷十三世孫古公亶甫 古公王季文

王 三分天下有其二 武王克商有天下 文王徙豐 武

王遷鎬 房中之樂 關雎 興也 雎鳩一名王雎

毛傳 乘居匹處 摯至通 漢康衡 妃匹 葛覃

女師 煩擗 私衣 歸寧 卷耳 爾雅 羨里 云何呼矣

爾雅注作時附見五卷末 切作聲 桃夭 嫁曰歸 仲春令 螽斯 以股相

聲 達九達之道 聖人之耦 芣苢 扱 兔置 椽杙 漢廣

漢 江 大隄之曲 汝墳 汝 魚勞尾赤

麟之趾 祖廟未毀

召南正風 召地名 采邑 召亭 鵲巢 衆媵姪娣

采芣 親蠶 公桑 陶陶遂遂 草蟲 迷陽 奇

音 采蘋 錡 室西南隅 薦豆 甘棠 思人

愛樹 勿拜 行露 牡齒 羔羊 絨總 小星 齊邀

殷其雷 此人此所 標有梅 墜 何彼穠矣 穠

參昂 江有汜 以待年 其民皞皞 儀禮二南

平王齊侯 騶虞 中必疊雙 其民皞皞 儀禮二南

卷二

邶變風 邶鄘不詳始封 殷墟 柏舟 列女傳以為婦

人詩 綠衣 正色閒色 莊姜 燕燕 戴嬌州

吁 陳在衛南 任 終風 雨土 歎噫 擊鼓

刺 漕 伐鄭 凱風 浚 幾諫 匏有苦葉

厲 軌 昏禮用鴈 納采請期 谷風 畿 茶見良

耜 茶 苦菜 委葉 英茶 荏苒 涇 渭 式微

黎 旌邱 與國 黎在衛南 簡兮 伶官 輕

世肆志 獻工之禮 美人目君 東方朔 泉水 淇

一言 須 祖道之祭 靜女 彤管 牧 新臺

籛篠 二子乘舟 太史公 弟壽爭死相讓 申生

惡傷父志

鄘變風 鄘 柏舟 翦髮夾凶 午達 共伯其姜

牆有茨 中菁 君子偕老 未亡人 副 編 次

笄 六珈 掃 展衣 桑中 洙衛邑 桑閒濮上

鶉之奔奔 經筵不講 定之方中 楚邱 樹

八尺臬 測景正方面 景山名 駮 記 春秋傳

蝮蝮 周禮十輝 載馳 岸善崩 因魏莊子 見春

秋傳 叔孫豹

卷三

衛變風 衛 淇奧 淇園之竹 武公入相 閒鑑 錫

重較 張弛 懿戒 首章恂慄 見五卷末 考槃 盆缶節歌

碩人 邢 譚 鄭 玉藻 河水北流入海 氓 頓

邱體 童容 思終思復 竹竿 泉源 粲然皆笑

芄蘭 鞮 朱極三續極二見 五卷末 河廣 衛宋

伯兮 女為說已容

王變風 宗周 戲 黍離 彼 君子陽陽 房敖

揚之水 申 甫即呂也呂 許 董澤之蒲 不共

戴天 中谷有蕓 益母草 脯脩 葛藟 不有

寡君 漣 采葛 荻

鄭變風 緇衣 好賢如緇衣孔叢子 叔于田 共

叔段 大叔于田 火焚而射 上駟 舍拔覆簫 擗

冰 清人 高克 鄭棄其師 羔裘 君用純物

鳧 遵大路 攬子祛 女曰雞鳴 明星 弓繳加

漆洧 豐 褰禪 東門之墀 陂阪除地町町 褰裳

揚之水 廷與誑同

齊變風 雞鳴 無庶 還 猫 著 親迎西

東方未明 瞿瞿 南山 雄狐 載驅 汶濟

于思 敝笱 禚祝邱 防 穀 金僕姑 趙子

猗嗟 大射鵠賓射正 金僕姑 趙子

卷四

魏變風 魏 解 葛屨 廟見 汾沮洳晉水 澮

公行公族 視見垣一方人 園有桃 徒

歌曰謠 伐檀 猶為人猗 徐穉之流

唐變風 唐堯都 晉陶 蟋蟀 役車 山有樞

君子無故琴瑟不離于側 揚之水 曲沃絳 翼 晉

昭侯封叔成師于曲沃千畝 田氏於齊 曲沃武公 綢

繆 女三為粢 無衣 七命六命

秦變風 雍 駟鐵 辰牡 逐禽左 驅逆之車綬 乘

車鸞在衡 小戎 驂之有靳 兩鞞將絕 鏤膺

終南 君衣狐白裘錦衣以裼之

黃鳥 事見春秋

傳 始皇之葬

晨風 戾戾歌

醉 無衣 權輿 始也 楚元

澤 招

渭陽 令狐之役

權輿 始也 楚元

王 吳 胥靡 杵臼雅春

陳變風 陳胡公 三恪 媯

衡門 阿塾堂宇 株

林 夏徵舒

檜變風 素冠 縞冠素紕 喪事縱縱 子騫子夏

曹變風 蜉蝣 掘閱 候人 緼芾赤芾 晉文

入曹 鳩鳩 和順積中而英華發外 書云四人騏弁

下泉 京師

卷五

幽 幽國名 邠 棄稷不務 不窳 不窳公劉 涖阼 周公

詩為幽風 為周公而作者附 七月 夏正之歲 夏正

商正 周正 瞽瞍 朕 世奠繫 隋荃 曲薄 萋 同

三正 重穆 用民歲三日 正歲 斬冰 獻羔 藏冰

發冰 尊兩壺房戶閒 逆暑迎寒 王氏 鴟鴞 管蔡

武庚 七緯 敦 施衿結帨 枚如箸 穴處先知 五際 詩緯

囊之網 袞衣裳九章 龍首卷然 破斧 象 九戩 九

神龍醢而食之 幽國七篇 文中子 田祖田峻 安土樂天

祭蜡息老物 先齊司蠶 鄭氏三分七月詩 國風補

卷六

小雅鹿鳴之什 受釐 鹿鳴 於旅也語 私惠不歸德

燕禮鄉飲酒禮 宵雅肄三 四牡 靡盬 傳曰

夫不 杞枸櫬 序言勞使臣春秋傳亦云 外傳章使臣

富辰 伐木 邪許 縮酌用茅 諸父諸舅 乾餼

天保 爾指君 除 昭受上帝 宗廟之祭 公叔祖類

后稷至公叔祖類 尸傳神意 文王時未日先王 黔首

采薇 敵愾防秋 腓 魚 日 喪禮泣涕臨事 懷襄 出車 郊牧

旗旄 注旄 朱雀玄武悅 喪禮泣涕臨事 懷襄 出車 郊牧

扶杜 匪載賜君子 南陔 笙詩

白華之什 華黍 魯鼓辭鼓 魚麗 樂畢皆閒

南有嘉魚 丙穴 筐櫟 南山有臺 臺 萊 槐

蓼蕭 晉詛公子 秦鍼懼選 倅革 和鸞

湛露 設燭宗室路寢 朝正 過三爵德將 不繼以淫

卷七

小雅彤弓之什 彤弓 大飲賓日饗 為己私分 兵賜

弄臣 賜鐵券 屯膏解體 印刃不子 彤弓旅弓 賜弓矢

九伐之法 拜表輒行 菁菁者莪 五貝為朋

六月 建未之月 戎車 韎韐 司馬法 毛馬物馬

吉行師行 焦穫 千里之鎬 直壯律臧 太原 附眾威

敵 采芑 芑 新田舊畝 爽 婁頡樊 蔥珩 治

兵振旅鏡 車攻 傳 宣王時未有鄭 敖 舄 時

見殷見 決拾飲 擘 夜軍中驚 面傷踐毛不成禽 乾

豆賓客充君之庖 每禽取三十 澤宮 東有甫草駕言行

狩章附見毛傳及孔穎達正義 吉日 剛日 馬祖

差擇齊其足 漆沮之從鹽章鄭坊同 羣友 五齊三酒

鴻鴈 勞者歌其事 庭燎 司烜物百枚束之

辨色 沔水 朝宗 庭燎 司烜物百枚束之

祈父之什上 祈父 圻父薄違 司右五兵 虎賁 越

句踐伐吳 魏公子救趙 薪水之勞 不敢斥王 戰于千

畝 諫靈王 白駒 畱客投轄 藿 大者王小者侯

我行其野 畜 六行教民 相保相受 不孝等刑

斯干 奧窔 占六夢 守至正 紡塼 孟子之母

五飯 筓 中饋 兔 新宮慈 無羊 同濕濕 建

旗建旒

節南山

譏世卿

均平不弔

空

昊天

誦

正月

申包胥

子思衛侯

衰姒

云旋

燕雀處

堂

卷八

小雅祈父之什下

十月之交

日食

分至說

月行速

幾衡

星回于天

天體

渾天儀

四分度之一

日之一

正陽之月

春秋必書

董子

宰士

蔡仲為卿士

膳夫

內史

趣馬

師氏

向

雨無正

昊天旻天

周

官八職一曰正

退遂

漢侍中

小旻之什

小旻

作舍道邊

五事之德

小宛

齊壹

步屈

螟蛉蜾蠃

犴獄

小弁

鸛

鵲屬

忍

德宗太子

巧言

忠言良藥

何人斯

蘇暴

陳

字林

盱衡

祗

三物

巷伯

孟子以讒

被宮

被宮

永巷

班固司馬遷贊

谷風

焚輪

蓼

莪

蒿

莨

蒹

蕭

萃

萋

王褒父死非命

大東

駕謂更其肆

啟明長庚箕斗

四月

赤

棟

輞

卷九

小雅北山之什

北山

獨賢

鞅掌

鼓鐘

淮

以雅以南

楚茨

茨蒺藜

安尸侑尸

祈廟門內

靈保

肝從膳從

內羞庶羞

易幾而哭

少牢嘏詞

告

利成

尸出入奏肆夏

信南山

終南山

遂溝畔

上種瓜

小爾雅

鸞刀

記曰

炳羶薌

甫田

九一之

法后稷為田

秀民

陳陳相因

有年

句龍氏

社稷

羅弊

倉廩禮節

大田

稂童梁

螟

蝻

蝻

蝻

澶澗

姚崇遣使捕蝗

瞻彼洛矣

洛

穀

伊

桑扈之什

茅蒐

韋弁

瑋

瑋

瑋

瑋

莖 頰弁 頰弁貌 葛女蘿 期 搏 車牽

景行 青蠅 青蠅變白黑 賓之初筵 侯 白

質赤質 下綱 射禮三耦 的質 豐上之觶 因射而飲

拾發 崇玷康圭 因祭而飲 始治卒亂 司正

采菽 路車 袞冕 檻泉 行騰 幅 齊 紼纒維

苑柳 瘵病 都人士 周尹姁 晉王謝 唐崔盧 捷

都人士之什 黍苗 師從旅從 謝 隰桑 思公子 白

華 袞姒 衰 滌池 痲病 絲蠻 朝駕夕極

蒼之華 蒼 芸

卷十

大雅文王之什 文王 叔父陟恪 楨榦 某士 鬯

聃升 統承作賓 敢告僕夫 孔子論詩 周公所作 兩

君相見之樂 大明 太任 莘國 太姒 俔 造舟

牧野 旅若林 師尚父 太公望 涼漢書作亮 絲

沮漆 董烏頭 苦董 楚焯 宗廟 皋門 謂之宜 虞芮

質成 虞芮 閒原 械樸 圭瓚璋瓚 其判在內

六師六軍 文王九十七乃終 早麓 鬱鬯 抱

杵子 燠燠 思齊 太姜 百男言其多 羨里之囚

性與天合 皇矣 扶老 梏 音 太伯適吳 句吳

五吳 三吳 貊莫 度莫明類長君順比文 文王征伐 密

阮 共 崇 方鄉 程 類馮 黃帝 蚩尤 皇覽 因

壘而降 靈臺 靈臺 枸虞 論倫 鼉 下武

天子致胙 於

大雅生民之什 生民 姜嫄 郊禘 九嬪御 六宮 弓

鞞 側室 娠 巨迹之說 先儒或頗疑之 卽卽肇祀 鞞

五祀 傳 扞 登 行葦 几 爵 罍 金鏃翦羽矢

三訂之而平 純奇均 摺三挾一 懽敖侑立踰言 黃

耆台背台 駘 古器物款識 用斬萬壽 永命多福 萬

年無疆 既醉 明而未融人有十等 考終命 令終

公 命命 公尸 嗣舉奠 屬 鳧鷖 繹賓尸 公

劉 后稷曾孫 不出封內 容臭 致邑立宗 考日景

三單 夕陽 鍛 芮水名汧 洞酌 餽餽 强教說

安 卷阿 飄 休 版圖 芾 賡載歌 民勞

大諫 板 凡 沓沓 同僚 堦 堦

卷十二

大雅蕩之什 蕩 受中 力行之力 惛德 抑

三復此詩宮 緝 屋漏 楚語倚相 師長士 旅賁 亡

官師 誦訓 誓御 師工 訓御 侯包武公年數年表

桑柔 芮良夫 疑立 綴旒 共和 圯族 榮夷公

千慮一得 陰 雲漢 雲漢天河 索鬼神 仍叔

奠瘞 雩祀百辟 天宗 師氏以兵守門 徹膳 左右

不修 無俚 崧高 崧高 東岱 南霍 西華 北

恆 尹 四岳 大封 侯東平王諸子 近 烝民

保 樊 徙薄姑治臨菑 韓奕 士服入見 不庭

兩較 金厄 屠 侯氏 汾王 燕 追 城邢 城楚邱

江漢 淮夷來求 貞 敦 邠 敦 常武 仍

班師 常武篇名 瞻卬 懿 寺 歐陽公言 女

戎 召旻 疏糲

卷十三

周頌清廟之什 清廟 周公成洛邑 烝祭歲 書大傳

愀 樂記 疏越 三歎 有遺音 練朱絃 乾豆上奏

登歌 維天之命 何以恤我 維清 典

烈文 君子小人 天作 岐韓子 徂 昊天有

成命 叔向引詩 我將 文王之典 人本乎祖 園

丘方丘 器陶匏牲饋 大饗 曰天曰帝 以義起之

時邁 殷國 春秋傳 外傳 九夏 呂叔玉

臣工之什 臣工 保介 呂覽 噫嘻 萬夫之地

鄉遂司稼 溝洫用貢法 振鷺 杞 宋 膳拜

有瞽 合乎祖 棟 祝圍桐 潛 穆 參 雖

周人以諱事神 享右祭祀 載見 穆考 有

客 微子 萋且 武 周公作大武 干戚舞大武

閔予小子之什 閔予小子 子小子 煢煢在疚 載芟

羹牆 登降堂只 小毖 鷓鴣生鵬 載芟

柞氏 疆子任疇 閒民 函 飶 且 良耜 刺

茶蓼 絲衣 基 視壺濯 告充 酌 勺 武

宿夜 桓 軍後凶年 克殷年豐 閒 賚 於

卷十四

般 墮 河 海 般

魯頌 賜天子禮樂 請命作頌 季子 駟 麟 魚 思

無邪斷章 泮水 受成訊馘 五十矢為束 荀毛之師

閔宮 植穉 福衡 白牡駢剛 常 三壽 魯朝

宿之邑 壽母 徂徠新甫 戴公 正考父 亳 亳王

商頌 商 殷商 商邱 商洛 戴公 正考父 亳 亳王

那 商人尚聲 齊之日祭之日 魯還愾音 容聲 嘉客

輯之亂 烈祖 羹定 玄鳥 有娥 九有 武

王 維河 景毫之命 長發 玄王 日躋 旒縵

係屬 駿厖 韋 顧 昆吾 中葉 阿衡 禘祫

殷武 荆楚 荆舒 鬼方 世見曰王 高宗享國 百世不

遷

卷十五

敘說

愚益此編不敢自謂成書不敢輒題目錄然又不可無目以  
紀錄其事故姑類聚其目備觀者之檢閱而以類目目之云  
爾有元至正四年甲申四月二十三日梁益識

光緒丁酉武進盛氏思惠齋刊陽湖吳文郁江寧馬長儒江陰繆九疇全校

詩傳旁通卷一

江陰梁益友直

國風

周南

周國名

周祖后稷其母有邰氏女曰姜嫄為帝嚳元妃生后稷棄而復  
收故名曰棄兒時遊戲好種樹麻菽樹藝也及為成人遂好耕農  
堯舉以為農師舜封之於邰號曰后稷別姓姬氏后者有爵土  
之稱稷者田正之官帝嚳高辛氏故后稷別其姓為姬氏也至  
孫古公亶甫居周原因號曰周周原者岐山下小地名杜元凱  
春秋傳云扶風雒東北有周城徐廣史記注云岐山在扶風美  
陽西北其南有周原雒在唐為天興縣周城即周原也昔者黃  
帝之臣有周昌商之太史有周任則周之為姓古蓋有之非始  
於后稷稷所封之邰在永興之武功稷子不窋竹律切自窋於戎  
狄之間謂之尉季慶州安化有尉季城亦謂之不窋城公劉居

邠邠本山谷之名字與幽同在扶風之柁邑音荀古公避狄遷岐之陽岐陽即美陽今鳳翔府岐山縣桓譚琴操文王初為岐侯然則后稷自唐虞時受封歷夏商千有餘年至其十三世孫古公亶甫始有周號文王為國號武王克商遂以為天下之號也又有宗周成周東西周之名文王都豐武王都鎬自武王以鎬為京而謂豐為宗周周公相成王作東都於洛邑謂之王城其後周室下衰平王東遷遂居其地謂之東周而謂豐鎬為西周方成王時周公既營洛邑又作下都徙殷之頑民居之謂之成周今河南洛城故城是也至戰國時周愈下衰分為東周君西周君秦遷東周君於愚狐之聚愚音憚遷西周君於陽人之聚而周亡矣愚狐地名在洛陽南百五十里陽人聚在汝州之西周平王之子季封於汝川秦滅之為汝南郡漢光武封姬常為周承休公居麻城其地在汝州梁縣今汝東有承休故城后稷十三世孫古公亶甫

史記自后稷至亶甫父死子繼凡十三世而世本所紀與史記不同

史記

后稷

不窋

鞠一作鞠陶

公劉

慶節

皇僕

差弗

毀隃

公非

高圉

亞圉

公叔祖類

古公亶甫

世本

后稷

不窋

鞠

公劉

慶節

皇僕

差弗

僞榆

公非

辟方

高圉

侯牟

亞圉

雲都

太公組紺

諸盪

亶父

胡氏宏皇王大紀曰殷王小乙甲寅二十六祀幽亶父遷於岐

改號曰周

字仁仲號五峰建寧人

羅氏泌路史曰不窋生鞠是為鞠陶

傳云有子曰鞠鞠陶生公劉公劉能修后稷之業民保歸之周道繇興公劉生慶節始國於邠慶節生皇僕皇僕生弗差弗差者非弗差猶曰弗差生偽榆一作毀隃偽榆生公非公非生辟方

辟方生高圉高圉能帥稷者是生侯牟侯牟生亞圉亞圉卒弟雲都繼雲都生公叔組紺是為祖類祖類生諸盩是為太公太

公生亶甫是為古公太王太王生泰伯仲雍季歷三人凡一十七世按世本云公非辟方高圉侯牟亞圉雲都組紺諸盩亶甫而已班氏表云辟方公非子高圉辟方子而夷族亞圉皆高

圉子雲都乃亞圉之弟杜預釋例云高圉僕窋九世孫史記索隱亦以辟方侯牟為二人斯得之矣獨史記無辟方侯牟雲都

諸盩至皇甫謐遂以為公非高圉亞圉組紺之子蓋牽於單穆公十四世之說而合二人為一爾字長源廬陵人路者大也國語單穆公

言后稷勤周十五世而興國語者左邱明作亦謂之春秋外傳金氏履祥通鑑

前編曰按遷岐之事據西漢書婁敬傳則古公遷岐下距伐商

百有餘年當在廩辛之世據東漢書西羌傳序則古公遷岐又

當武乙之時皆年數促數音朔該事不伸婁敬一時之言計不察

察東漢書據竹書竹書載太丁良久與經世曆不同皆不可考

惟大紀係之小乙之年蓋以甲紀也下逮克商凡二百年按詩稱爰及姜女聿來胥宇則其時古公太姜之年尚少未有太伯

王季也至稱其治岐之後帝省其山斯拔蒲且切斯兒然後作邦作對則始生太伯王季爾古公年壽甚高故號古公而王季文

古公王季文王

亦云汲冢書晉太康二年汲郡人發魏襄王家所得竹簡漆書

竹書

古公者豳公之號也亶甫字或名般人尚質史記周本紀古公

有長子曰太伯次曰虞仲太姜生少子季歷季歷娶大任皆賢婦人生子昌有聖瑞古公曰我世當有興者其在昌乎太伯虞

仲知古公欲立季歷以傳昌二人乃亡如荆蠻文身斷髮以讓  
季歷古公卒季歷立是為公季公季修古公遺道篤於行義行  
猛諸侯順之公季卒子昌立是為西伯

三分天下有其二

時天下九州冀兗青徐揚荆豫梁雍今歸文王者六州荆梁雍  
豫徐揚也惟青兗冀尚屬紂耳此文王為西伯時也文王所以  
為西伯者以國君而賜弓矢得專征伐者也漢孔安國言虞芮  
質成之年為文王受命改元之年非也文王在日未嘗稱王詩  
中有周王于邁六師及之等語天子六軍侯國三軍所謂六師  
蓋追述之詞

武王克商有天下

一戎衣天下大定乃反商政政由舊反紂之政由商之舊禮記大傳牧  
之野武王之大事也既事而退柴於上帝祈於社設奠於牧室  
遂率天下諸侯執豆邊邊音峻奔走追王去聲太王亶父王季曆不

以卑臨尊也 注不以諸侯之號臨天子

文王徙豐

本紀文王伐崇侯虎而作豐邑 張守節史記正義曰崇夏禹

之父名鯀者所封虞夏商周皆有崇國鯀音衮徐廣史記注曰豐

在京兆鄠縣東有靈臺鄠音戶

武王遷鎬

三輔黃圖曰漢京兆長安南數十里上林昆明池有鎬池其地  
即周之故都元和郡國志鎬在長安有武王宮漢穿昆明池鎬  
之遺址淪焉今永興昆明北之鎬陂即京周也世本六韜皆以  
鎬為鄠史記亦作鄠池君

房中之樂

儀禮燕禮篇有房中之樂漢書禮樂志房中祠樂高祖姬唐山  
夫人所作也唐山姓周有房中樂至秦名曰壽人凡樂樂其所生  
禮不忘其本高祖樂楚聲故房中樂楚聲也孝惠二年使樂府

令夏侯寬備其簫管更名曰安世樂樂其樂楚二樂字並音孔洛餘並音岳更音庚穎達詩正義路寢之常樂天子以周南諸侯以召南是天子諸侯皆有房中之樂也

關雎

興也

賦比興者作詩之體風雅頌者作詩之名詩有六義三經而三緯之風雅頌為經賦比興為緯三緯之中又復錯綜焉如興而比賦而興之類六義之旨粲然明矣

雎鳩一名王雎

雎鳩王雎爾雅文李巡注曰王雎一名雎鳩郭璞注曰雎類今江東呼之為鶚好在江渚山邊食魚毛詩傳曰鳥摯而有別陸璣疏曰雎鳩大小如鴟深目目上骨露幽州人謂之鷺而揚雄許慎皆曰白鷺其月切似鷹尾上白按郭注引毛傳之鷺今詩傳作摯字書鷺摯通而摯又與至通鄭康成箋云摯之言至也

謂王雎之鳥雌雄情意至然而有別然則摯者情意深至之謂非鷺擊之鷺也鄭夾深通志略曰雎鳩爾雅以為王雎鳧類多在水邊尾有一點白故揚雄云白鷺舊說鷺類誤矣夾深嘗曰凡雁鷺之類其喙扁者則其聲關關雞雉之類其喙銳者則其聲鷺鷺音音此天籟也雎鳩之喙似鳧雁故其聲關關然且鷺鳥之喙皆鈎曲鈎銳而雎鳩則不然益見鷺而有別之鷺非鷺擊之鷺乃與摯通之摯也鳧鷺皆捕魚以食豈亦為鷺鳥乎張守節謂王雎為金口鴟姑備其說揚子雲羽獵賦王雎關關鳴雁嚶嚶張平子思立賦鳴鶴交頸雎鳩相和歸田賦王雎鼓翼倉庚哀鳴夫以王雎倉庚並言決非鷺鷺或謂王雎即今杜鵑云

毛傳

漢世言詩者四家齊轅生為齊詩轅固魯申公為魯詩燕韓嬰為韓詩毛公為毛詩齊魯韓三家詩並立學官毛詩至平帝時始得立齊詩亡於魏代魯詩亡於西晉韓詩僅存外傳惟毛氏

詩獨行以至於今初學記曰荀卿授魯國毛亨作訓詁傳以授趙國毛萇時人謂亨為大毛公謂萇為小毛公大毛公之名惟見於此萇字或作長此毛傳者謂毛萇之詩傳也 訓詁漢書詁作故顏師古曰故者通其指義也流俗改故為詁非也

乘居匹處

劉向列女傳周宣王姜后曰雉鳩之鳥猶未嘗見其乘居而匹遊 乘四也匹兩也匹之為兩如解鴛鴦詩者曰鴛鴦匹鳥也蓋此禽之性止則相偶飛則雙翔故謂之匹鳥匹者兩也乘去聲

摯至通

書西伯戡黎大命不摯注摯至也漢班嗣報桓譚書伏周孔之軌躅馳顏閔之極摯

漢康衡

西漢書匡衡字稚圭東海承人也承音證父世農夫至衡好學家貧傭作以供資用尤精力過絕人諸儒為之語曰無說詩匡鼎

來匡說詩解人頤元帝建昭三年為丞相封樂安侯帝崩成帝即位衡上疏戒匹妃勸經學威儀之則曰臣聞之師曰妃匹之際生民之始萬福之原婚姻之禮正然後品物遂而天命全孔子論詩以關雎為始言太上者民之父母后夫人之行不侔乎天地則無以奉神靈之統而理萬物之宜故詩曰窈窕淑女君子好仇言能致其貞淑不貳其操情欲之感無介乎容儀宴私之意不形乎動靜夫然後可以配至尊而為宗廟主此綱紀之首王教之端自上世以來三代興廢未有不由此者也 淮南王傳欲以親戚之意望於太上如淳曰太上天子也 宋諱匡字故曰康

妃匹

史記外戚世家序甚哉妃匹之愛司馬貞曰妃音配又如字愚按妃匹之妃宜去聲

葛覃

女師

毛氏傳古者女師教以婦德婦言婦容婦功孔穎達疏婦人五十無子出而不復嫁能以婦道教人者為姆

煩擗

鄭康成詩箋煩擗之用功深字略云煩擗猶撻也禮記曲禮共飯不澤手鄭康成注澤謂撻也擗而專切撻奴禾切撻素禾切

私衣

私謂平居燕私之服衣謂行禮之服如禕衣祿衣之屬

禕音揮祿音象

歸寧

左傳莊公二十七年冬杞伯姬來歸寧也凡諸侯之女歸寧曰來出曰來歸夫人歸寧曰如某出曰歸于某歸寧者歸而寧問父母安否

卷耳

爾雅

史記五宗三王世家曰太中大夫公戶滿意稱引古今通義國家大禮文章爾雅公戶姓滿意名司馬貞索隱曰爾近也雅正也其書於正字義訓為近故云爾雅相承云周公作以教成王又云子夏所作以解詩書郭景純注爾雅序曰爾雅者興于中古隆于漢氏

美里

史記本紀紂囚西伯於美里張守節曰美亦作牖美里城在相州湯陰縣北九里相州今彰德府

美音酉相去聲

樛木

小君內子

朱子語錄鄭可學問樂只君子作后妃亦無害否先生曰以文義推之不得不作后妃若作文王恐太隔越了益按國君夫人謂之小君卿大夫以下之妻均謂之內子

螽斯

以股相切作聲

謂以股相磨切而作聲如七月斯螽動股始躍而以股鳴莎雞振羽能飛而以翅鳴之類也考工記以翼鳴者以股鳴者謂之小蟲之屬

桃夭

嫁曰歸

婦人內夫家而外父母家故謂嫁為歸

仲春令

周禮地官媒氏掌萬民之判中春之月令會男女鄭氏注中春陰陽交以成婚禮順天時也

兔置

椽杙聲

杙音弋槩也槩音掘椽杙聲椽伐杙槩之聲也

達九達之道

爾雅釋宮曰一達謂之道路長二達謂之岐旁岐道交出三達謂之

劇旁數道交出四達謂之衢交道交出五達謂之康六達謂之莊史記所謂康莊

七達謂之劇驂三道交出復有岐出者八達謂之崇期四道交出九達謂之

達四道交出復有旁通

聖人之耦

西漢書董仲舒傳班固贊曰劉向稱董仲舒有王佐之才雖伊

呂亡以加亡無管晏之屬伯者之佐殆不及也伯霸至向子歆

以為伊呂乃聖人之耦對也王者不得則不興故顏淵死孔子曰

噫天喪予唯此一人為能當之自幸我子貢子游子夏不與焉

與預仲舒遭漢承秦滅學之後六經離析下帷發憤潛心大業

令後學者有所統一為羣儒首然考其師友淵源所漸音漸猶未

及虜游夏而曰管晏弗及伊呂不加過矣至向曾孫龔篤論君

子也以歆之言為然 漢宗室劉向字子政向子歆字子駿曾

孫名龔

芣苢

扱

扱與插音義並同扱收也

漢廣

漢

漢水出興元府西縣嶓冢山為漾水東流為沔水又東至南鄭為漢水有褒水從武功來入焉南鄭興元治而興元故漢中也又東與文州文水會又東過西城旬水入焉又東過鄖音鄉縣南又屈而東南過武當縣又東過順陽縣有涓水自虢州盧氏縣北來入焉又東過中廬有淮水自房陵淮山東流入焉又東過襄陽南漳縣荆山而為滄浪之水又東過宜城有鄖水入焉鄖音媽又東過於都音若敖水入焉又東南曰水入焉又東過雲音偃杜而為夏水有涓水入焉涓音雲杜舊屬江夏後并入安州安

陸又東至大別山下漢陽鄂州二城相對之間南與江水合流而為大江

江

江水出岷山一名瀆山一名汶阜山今屬茂州汶山縣發源不一源亦甚微所謂江源可以濫觴濫之言汎也東南百餘里至天彭山亦謂之天谷亦謂之天彭門兩山相對水逕其間其山屬彭州又東南過成都郫縣又東南過江陽有湔水從西北來入焉江陽屬眉州又南過嘉州犍為縣又南過戎州樊道縣北若水淹水從西來入焉樊音蒲墨切音又東南至渝州江津縣有羌水涪水巴水白水潛水渝水合流入焉又東過涪州忠州萬州又東過雲安軍雲安今夔府又東過魚復魚復今夔州奉節逕永安宮及諸葛孔明八陣圖壘南又東南過赤岬音暗城又東過巫峽巫溪水入焉又東過秭歸又東過夷陵又東過宜都又東過禹斷江又東過枝江有沮水入焉又東過石首又東過華

容有涌水入焉又東至巴陵合于洞庭之陂其陂有澧水西來  
沅水西南來湘水南來入焉東至武昌漢陽大別山與漢水合  
而爲大江東過潯陽有彭蠡陂從南來入焉彭蠡卽今鄱陽湖  
合江西江東諸水跨豫章南康饒州之境又東右過江寧有丹  
陽水從南來入焉又東左過江都邗溝出焉又東過江陰許浦  
入海入海處在通州海門縣

禮音娣沮音起澧音寒

### 大堤之曲

夾淙鄭氏樵通志略曰樂府清商曲襄陽樂音大堤曲者宋隨  
王誕始爲襄陽郡元嘉末仍爲雍州夜聞諸女郎歌謠因爲之  
辭古辭云朝發襄陽城暮至大堤宿大堤諸女兒花豔驚郎目  
後世如李太白大堤曲等作皆古樂府題

### 汝墳

### 汝

汝水出汝州魯山縣大孟山其地與弘農郡盧氏縣接界故許

慎誤謂出盧氏也其水東南過故定陵縣澠直里切水及昆水入  
焉定陵今許州舞陽又東南過上蔡至襄信縣汝口南入於淮  
澠水出汝州魯陽縣堯山東過定陵縣西不羹亭東入汝魯陽  
魯山皆縣名汝水周南之水也

### 魚勞尾赤

養生經魚勞則尾赤人勞則髮白

### 麟之趾

### 祖廟未毀

春秋文公二年公羊傳何休注毀廟謂親過高祖毀其廟藏其  
主於大祖廟中

### 召南

### 召地名

召公名奭與周同姓武王封之於燕諡曰康公字書召與邵同  
奭音釋

采邑

西漢書刑法志采官也因官食地故曰采地采邑即采地也采  
一音去聲

召亭

王氏應麟困學記聞曰朱子詩傳舊說扶風雍縣南有召亭今  
雍縣析為岐山天興二縣未知召亭的在何縣愚按史記正義  
引括地志召亭在岐山縣西南字伯厚號厚齋括地志唐太  
宗之子魏王泰所撰集張守節史記正義引用之

鵲巢

眾媵姪娣

公羊傳莊公十九年公子結媵陳人之婦於鄆媵音孕鄆音緡媵者何  
諸侯娶一國則二國往媵之以姪娣從才用切姪者何兄之子也  
娣者何弟也諸侯一娶九女諸侯不再娶何休注諸侯一娶九  
女所以廣嗣續也左氏成公八年傳凡諸侯嫁女同姓媵之異

姓則否 媵者從嫁之稱男為媵臣女為媵妾

采繁

親蠶

西陵氏名儻祖黃帝元妃也羅氏路史曰黃帝命西陵氏勸蠶  
稼月大火而浴種夫人副禕而躬桑乃獻繭絲遂稱織組之功  
因之廣織以給郊廟之服皇圖要覽曰伏羲化蠶西陵氏始養  
蠶故淮南王蠶經云西陵氏勸蠶稼親蠶始此儻或作嫫亦作  
纍並祖為切 穀梁傳王后親蠶以共祭服國非無良農工女  
也以為人之所盡事其祖禰不若以己所自親者也

公桑

記祭義古者天子諸侯必有公桑蠶室近川而為之築宮仞有  
三尺棘牆而外閉之

陶陶遂遂

祭義孝子將祭祀必有齊側皆莊之心以慮事及祭之後陶陶

遂遂如將復入然注陶陶遂遂相隨行之貌陶音遙又如字復去聲

草蟲

迷陽奇音

莊子人間世篇孔子適楚楚狂接輿曰迷陽迷陽無傷吾行吾行卻曲無傷吾足王伯厚曰莊子楚狂之歌所謂迷陽人皆不曉胡明仲云荆楚有草叢生修條四時發穎春夏之交花亦繁麗條之腴者大如巨擘剝而食之其味甘美野人呼為迷陽其膚多刺故曰無傷吾行無傷吾足巨擘手大指也

奇音與奇耦之奇同

采蘋

錡

有足曰錡三足釜也

室西南隅

爾雅釋宮曰西南隅謂之奧西北隅謂之屋漏東北隅謂之宦音頤東南隅謂之突音杏又一叫切

薦豆

記祭統夫人薦豆明堂位夫人薦豆籩

甘棠

思人愛樹

孔子家語好生篇孔子曰吾於甘棠見宗廟之敬也甚矣思其人必愛其樹尊其人必敬其位道也

勿拜

唐語林施士句善毛鄭詩劉禹錫同韓退之柳子厚詣士句聽說詩曰甘棠勿拜如人身之拜小低屈也勿拜則不止勿翦言召伯漸遠人思不可及

行露

牡齒

楊龜山曰牙牡齒鼠無牡齒楊氏本於說文之說牡齒如俗所謂撩牙

羔羊

絨總

山陰陸農師曰蠶之所吐為忽十忽為絲五絲為緝緝十絲為升二十絲為絨四十絲為紀八十絲為總詩曰素絲五絨又曰五總其絲之數如此

殷其雷

此人此所

何斯之斯此人也違斯之斯此所也猶語斯焉取斯章集注上斯斯此人下斯斯此德標有梅

塹

頃筐塹之之塹塹者取也音許器切大雅假樂洵酌民之攸塹

之塹塹者息也音許既切禮部韻許既切者在未韻音餽注云取也許器切者在至韻音洎作巨至切其日許器切者陸德明音也朱子之音與禮部韻不同

小星

齊邀

記玉藻君子之容舒遲見所尊者齊邀齊音咨謙慤貌邀音速猶蹙蹙也

參昴

參白虎宿三星昴六星參昴二星皆西方宿

江有汜

待年

公羊隱公七年春王三月叔姬歸于紀何休注叔姬者伯姬之媵也至是乃歸者待年父母之國也婦人八歲備數十五從嫡二十承事君子

以

左傳凡師能左右之曰以

何彼穠矣

穠

古注本皆作禮音戎而中切音濃則尼容切

平王齊侯

周平王子桓王桓王子莊王莊王女下嫁於齊春秋魯莊公元

年夏書單伯送王姬秋書築王姬之館於外冬書王姬歸于齊

時周莊王四年也諸兒齊襄公名

騶虞

中必疊雙

班孟堅西都賦鳥驚觸絲獸駭值鋒機不虛拑弦不再控矢不

單殺中必疊雙

拑舉綺切控音空中音眾

其民皞皞

皞皞廣大自得之貌

儀禮二南

鄉飲酒鄉射皆合樂燕禮遂歌鄉樂周南關雎葛覃卷耳召南

鵲巢采芣采蘋

詩傳旁通卷一

詩傳旁通卷二

國風

邶

邶不詳始封

史記本紀武王封商紂子祿父殷之餘民武王爲殷初定未集乃使其弟管叔鮮蔡叔度相祿父治殷張守節正義曰漢地理志云河內殷之舊都周既滅殷分其畿內爲三國詩邶鄘衛是也邶以封紂子武庚鄘管叔尹之衛蔡叔尹之曰三監平聲帝王世紀云自殷都以東爲衛管叔監之殷都以西爲鄘蔡叔監之殷都以北爲邶霍叔監之是爲三監未詳孰是羅長源路史曰邶霍叔尹之鄘管叔尹之衛蔡叔尹之見於詩譜謂之三監孔氏以管蔡商爲三監霍叔不與班固從之非也武庚不得爲監以蔡仲之命攷之鄭譜爲是武庚之封乃紂之都在邶境也殷墟

朝歌北冢皆殷墟朝歌在衛之黎陽黎陽唐爲衛縣宋爲通利軍今爲濬州衛縣西二十二里有朝歌故城史記項羽傳洹音水南殷墟有殷城亦曰北殷

柏舟

列女傳以爲婦人詩

劉向列女傳衛宣夫人者齊侯之女也嫁於衛至城門而衛君死保母曰可以還矣女不聽遂入持三年喪作詩曰我心匪石不可轉也我心匪席不可卷也君子美其貞一故舉而列之於詩韓嬰氏以爲衛宣姜自誓

孔叢子載孔子讀柏舟見匹夫執志之不可易華谷嚴氏取其說朱子不取以孔叢子僞書耳孔鮒字子魚孔子八世孫魏相孔斌子順之子仕陳勝張楚爲博士不見用退而論集其先孔子仲尼孔伋子思孔白子上孔穿子高孔斌子順之言及己身行事爲書七卷凡二十一篇名曰孔叢子叢之爲言雜也孔子

卒於哀公十六年至子思見穆公時已七八十年書中有孔子子思問答可見其僞姑纂之以見非不取匹夫執志之言

綠衣

正色閒色

記玉藻衣正色裳閒色鄭康成注謂冕服玄上纁下纁淺絳色爾雅三染謂之纁青赤黃白黑五方木火土金水之正色也以木克土則青黃合而成綠以金克木則白青合而成碧以火克金則赤白合而成紅以水克火則黑赤合而成紫以土克水則黃黑合而成駟此五方之閒色也纁音熏閒去聲駟音雷

莊姜

春秋隱公三年傳衛莊公娶于齊東宮得臣之妹曰莊姜美而無子衛人所爲賦碩人也

燕燕

戴嬀州吁

莊公又娶于陳曰厲嬀生孝伯早死其娣戴嬀生桓公莊姜以爲己子公子州吁嬖人之子也有寵而好兵公弗禁莊姜惡之四年春衛州吁弑桓公而立秋州吁如陳陳人執之九月殺州吁于濮衛人逆公子晉于邢是爲宣公齊女姜姓陳女嬀姓桓公

名完

陳在衛南

衛在河北陳在河南

任

以恩相信見周公諡法

終風

雨土

孫炎曰霾大風揚塵土從上而下也夾漈鄭氏通志略漢昭帝始元年中雨土晝昏後魏景明四年涼州雨土如霧周大象元年雨土隋開皇二年京師雨土雨于付切

勦噓

月令人多勦噓勦音求噓音帝

擊鼓

漕

西征記今白馬城衛之漕邑今滑州白馬縣

刺

擊刺之刺音七亦切音在樂記駟伐注

伐鄭

春秋隱公四年春戊申衛州吁弑其君完夏宋公陳侯蔡人衛人伐鄭秋鞏帥師會宋公陳侯蔡人衛人伐鄭九月衛人殺州吁于濮十有二月衛人立晉

凱風

浚

浚都陳畱曰浚儀

幾諫

事父母幾諫幾微也內則篇父母有過下氣怡色柔聲以諫也  
匏有苦菜

厲

爾雅以衣涉水為厲注衣為禪又曰絲膝以下為揭絲膝以上  
為涉絲帶以上為厲注絲自也邢昺疏言水深至於禪以上者  
為涉度之名厲

軌

軌龜美切謂車轄頭也轄音衛車軸耑也依傳意軌直音犯按  
說文軌車轍也從車九聲音龜美切軌車軾前也從車凡聲音  
犯字又作軻九經古注車轄頭所謂軻也軻字音止轂末也車  
輪所穿為道也

昏禮用鴈

程子曰鴈取其不再偶

納采請期

昏禮有納采問名納吉納徵請期親迎六禮迎去納采者納其  
采擇之禮即今世俗言定也

畿

畿門內也韓退之詩白石為門畿門闕也

茶見良耜

周頌良耜以薳茶蓼

茶

苦菜 委葉 英茶 菴茗

茶一曰苦菜一曰委葉一曰英茶一曰菴茗四名而為三物胡

音切此詩之誰謂茶苦傳曰茶苦菜也大雅縣之董茶如飴唐

采苓之采苦采苦皆苦菜也鄭出其東門有女如茶傳曰茶英

茶也幽鳴鴉予所將茶傳曰茶菴茗也周頌良耜以薳茶蓼孔

氏疏曰委葉也

苦菜爾雅釋草茶苦菜郭璞注誰謂茶苦苦菜可食邢昺疏此味苦可食之菜也一名茶一名苦本草一名茶草一名選一名游冬易緯通卦驗立圖云苦菜生於寒秋經冬歷春乃成月令孟夏苦菜秀是也葉似苦苣而細斷之有白汁花黃似菊堪食但苦耳

委葉爾雅釋草茶委葉郭璞注詩云以採茶蓼蓼與媯同茶與茶同邢昺疏穢草也王肅曰茶陸穢謂陸地蕪穢之草也舍人注爾雅曰茶一名委葉

英茶孔氏疏鄭康成於周禮地官掌茶及既夕注與出其東門有女如茶箋皆云茶茅秀然則茅草秀出之穗也又言茶英茶者六月詩白旆英英是白貌茅之秀者其穗色白言女喪服色如茶然吳語說吳王夫差國語中吳語也夫音扶差音釵於黃池之會陳兵以脅晉萬人為方陣皆白常白旗素甲白羽之矰望之如茶韋昭云茶茅秀亦以白色為如茶與此詩傳意同女

見棄所以喪服者王肅云見棄又遭兵革之禍故皆喪服也萑苕孔氏疏謂薺之秀穗也毛公八月萑葦傳薺為萑葦為葦予所將茶傳茶萑苕也然則萑苕之與茅秀其物相類故皆名茶也薺五患切音頑之去聲江東呼為烏薺音邱

涇 涇水出安定涇陽縣西开頭山宋為鎮戎軍古之安定朝那縣也开苦見切又音牽一名笄頭山一名都盧山一名崆峒山音辨

渭

渭水出隴西郡首陽縣渭首亭南鳥鼠山首陽唐省入渭源隸渭州宋隸熙州在州之東其水東過隴州汧源縣汧水從西北來入焉又東過鳳翔府郿縣斜水從南來入焉汧音牽斜音邪又東過槐里縣南澇水入焉槐里今永興軍興平縣澇音勞又東北過咸陽縣澧水入焉又東北過高陵涇水入焉又東北過富平縣漆

水入焉又東則同州之洛水入焉又東過臨潼縣灞水入焉又東至京兆船司空縣入河船司空縣後省入華州之華陰式微

黎

黎民故國或云黎山氏國子姓侯爵卽西伯所戡者與紂都接今潞城東十八里有故黎侯城有黎亭字亦作釐鄴旌邱

與國

和好相與之國許氏說文曰與黨與也

黎在衛西

潞城卽上黨班氏志上黨壺關東北有黎亭隋九域志亭在黎山嶺上今潞州黎陽漢之黎縣有黎陽山皆在衛西簡兮

伶官

黃帝命伶倫取嶰谷之竹截箛吹律伶倫樂師世掌樂官故後世號樂官爲伶官晉景公見漢囚鍾儀南冠而縶使脫之間其族對曰治人也公曰能樂乎對曰先父之職官也與之琴操南音淪與伶同伶者弄也

輕世肆志

魯仲連曰吾與其富貴而詘於人寧貧賤而輕世肆志焉玩世不恭玩者戲也弄也東方朔依隱玩世柳下惠不恭

獻工之禮

儀禮燕禮樂賓升歌獻工曰工歌鹿鳴四牡皇皇者華卒歌主人洗升獻工工不興左瑟一人拜受爵主人西階上拜送爵薦脯醢使人相卒爵不拜主人受爵眾工不拜受爵坐祭遂卒爵辯有脯醢辨音遍義同不祭主人受爵降奠于筐

美人目君

文公楚辭注美人謂美好之婦人蓋託詞而寄意於君也離騷

經恐美人之遲暮

東方朔

朔字曼倩平原厭次人厭一涉切班固漢書贊朔名過實者以其恢達多端不名一行應諧似優不窮似智正諫似直穢德似隱非夷齊而是柳下惠戒其子以上容容身避害首陽為拙柱下為工飽食安步以仕易農依隱玩世詭時不逢其滑稽之雄乎滑音骨滑稽談笑諧謔也侏儒短人俳優雜戲

泉水

淇干言須

淇水一名鄭水鄭玄云即降水出衛州共城縣北山或云出林慮東至湯陰又東至黎陽入河林慮即漢河內隆慮縣改今隸相州共音恭慮音閭

干言厚齋紀聞曰隋書志邢州內邱縣有干言山李公緒紀云柏人縣有干山言山柏人縣邢州堯山縣也邢州今順德

路

須漢地里志東郡有須昌縣故須句劬國今東平之須城縣

祖道之祭

周禮大馭夏官屬掌馭玉路以祀及犯馭王自左馭馭下祝登受轡犯馭遂驅之馭音蒲末切音馭注行山曰馭犯之者封土為山象以苦二負倍音芻棘柏為神主既祭之後以車轆之而去喻無險難也王由左馭禁制馬使不行也詩云載謀載惟取蕭祭脂取羝以馭詩家說曰將出祖道犯馭之祭也聘禮曰及舍馭舍音釋飲酒于其側禮家說謂之祖祭左傳祖而舍馭飲酒于其側曰餞重有事於其行也漢臨江王傳黃帝之子纍祖好遠遊而死于道故後世祭以為行神祖祭因饗飲也荀彧傳以為共工氏日修好遠遊祀以為祖神漢以午日祖轆音歷

靜女

彤管

毛傳云女史彤管之法鄭箋云筆赤管皆以后夫人言耳歐陽氏曰古者鍼筆皆有管樂器亦有管不知此管是何物但彤是色之美者

牧

邑外謂之郊郊外謂之牧牧外謂之野野外謂之林林外謂之坳爾雅注邑國都也假令百里之國五十里之界界各十里也

籛條

揚雄別國方言曰宋魏之間謂之笙或謂之籛曲自關而西謂之簞或謂之籛音制其粗者謂之籛條蓋竹席簞也國語晉語曰籛條不可使俯戚施不可使仰

二子乘舟

太史公

漢司馬遷字子長父談皆為漢太史官尊談為太史公

弟壽爭死相讓

左桓十六年衛宣姜與公子朔構急子急做公使去聲諸齊使盜待諸莘將殺之壽子告之使行不可曰棄父之命惡鳥用子矣有無父之國則可也及行飲去聲以酒壽子載其旌以先盜殺之急子至曰我之求也此何罪請殺我乎又殺之

申生惡傷父志

左僖四年晉獻公驪姬謂太子曰君夢齊姜必速祭之齊姜太子申生太子祭於曲沃歸胙于公公田姬寘諸宮六日公至毒而獻之公祭之地地墳上聲與犬斃與小臣小臣亦斃姬泣曰賊由太子太子奔新城或謂太子辭太子曰君非姬氏居不安食不飽我辭姬必有罪君老矣吾又不樂曰子其行乎太子曰君實不察其罪被此名也以出人誰納我縊于新城樂音洛

鄘

鄘

楚邱城是也今衛之汲縣東北三十里有故鄆城新鄉鎮之西南或云楚邱城也有鄆水出宜蘇山

柏舟

共伯共姜

孔穎達詩正義曰共音恭伯衛僖侯世子名餘共諡伯字共姜共伯之妻婦人從夫諡姜姓

東萊呂氏讀詩記曰史記載釐與僖侯既葬武公襲攻共伯共

伯入釐侯羨自殺羨墓道也音延又延面切按武公在位五十五年國語稱

武公年九十有五猶箴警于國計其初即位其齒已四十餘矣

使果弑共伯而篡立則共伯見弑之時其齒又長於武公安得

謂之早死乎是共伯未嘗見弑武公未嘗篡弑也唐司馬貞史

記索隱謂史遷之說非是

剪髮夾凶午達

禮記內則子生三月之末擇日剪髮為髻徒果切音朵男角女羈否

則男左女右鄭氏注髻所遺髮也所存留夾凶曰角兩髻也

作願音信又思忍切午達曰羈三髻也

縱橫曰旁午午達之午猶旁午之午謂一直也陳氏澹曰夾

凶兩旁當角之處留髮不剪者謂之角留頂者縱橫各一相

交通達者謂之羈

牆有茨

中葍

西漢書梁共王傳恭王名立谷永疏曰帝王不聽中葍之言春秋為

親者諱為去聲應劭曰中葍材葍在堂之中也顏師古曰謂舍之

交積材木也

君子偕老

未亡人

左傳楚文王夫人聞令尹子元振萬於宮側泣曰先君以是舞也習戎備也今令尹不尋諸仇讐而於未亡人之側不亦異乎

成公九年季文子如宋致女復命公享之賦韓奕之五章穆姜出于房再拜曰大夫勤辱不忘先君以及嗣君施及未亡人先君猶有望也敢拜大夫之重勤

副編次

周禮天官追師掌王后之首服為副編次追衡笄追都回切音堆編音匾又

副副之言覆去聲所以覆首為之飾其遺象若今之步搖矣服

之以從王祭祀步搖亦作步絲

編編列髮為之其遺象若今假紒與髻同矣服之以告桑也告桑

重黻事也

次次第髮長短為之所謂髮髻亦作髻並音弟服之以見王言編

若今假紒者編列他髮為之假作紒形加於首上次者亦髻

他髮與己髮相合為紒是編次所以異也

笄

笄衡笄也鄭氏注曰王后之衡笄皆以玉為之唯祭服有衡垂

于副之兩旁當耳其下以紃懸瑱統瑱之去疏曰唯祭祀之副

有衡笄編次則無衡笄華谷嚴氏祭坦叔詩緝曰內則言女

子之笄者簪也所以卷髮者也唯副之笄謂之衡笄毛傳以笄

即衡笄一物也追師云追衡笄鄭注云王后之衡笄皆以玉為

之是鄭以衡與笄為二物也其下文云唯祭服有衡釋衡為一

物又云笄卷髮者釋笄為一物故鄭於此箋言笄而不言衡笄

也疏混毛鄭為一說又引追師注云唯祭服有衡笄彼文無笄

字疏蓋誤也今從毛義追音堆

六珈

毛傳曰珈笄飾之最盛者所以別尊卑也鄭箋曰珈之為言加

也副既笄而加飾如今步搖上飾古之制有所未聞孔疏曰必

飾之有六但所施不可知據此言六珈則侯伯夫人為六王后

多少無文此副與珈飾唯后夫人有之卿大夫以下則無

掃

掃所以摘髮以象骨為之魏葛屨佩其象掃文言搔頭俗言篋兒摘字讀作剔他歷切

展衣

天宮內司服掌王后之六服禕衣禕音暉揄狄揄音遙闕狄闕音缺

刻繒為翟形而不畫鞫衣鞫音菊展衣展亦作禮緣衣緣音緣陸農師曰鄭

氏解周官以為王后六服鞫狄鞫音菊玄揄狄揄音遙青鞫衣黃其說是

鞫衣黃展衣白祿衣黑若所謂鞫狄鞫音菊玄揄狄揄音遙青鞫衣黃其說是

矣所謂闕狄赤展衣白祿衣黑非也按毛詩傳言展衣以丹穀

為之則展衣赤矣赤則宣布著盡有誠信之道焉故謂之展又

或謂之禮禮記曰內則以禮衣亦通帛為壇與旃絳帛也與

此同義鞫衣黃展衣赤則祿衣白矣難者曰祿衣吉服純白非

婦人吉服所宜曰蓋不知祿衣之有纁神也難者設為問神時

占切衣緣也緣音俞纁淺絳色三染謂之纁

桑中

沫衛邑

書酒誥注沫邦紂所都朝歌即沫邑羅泌路史曰今滑之白馬縣有鄆水即沫之邦紂所城也鄆與邶同一作匄殷武丁遷都于此

桑間濮上

禮記樂記注濮水之上地有桑間者亡國之音於此水出桑間

在濮陽南東濮郡國志東郡濮陽故昆吾國桑中在其中史記

樂書衛靈公將之晉至於濮水之上夜聞鼓琴聲命師涓聽而

寫之去之晉見晉平公置酒施惠之臺即鹿野音斯師涓奏新聲

鼓之未終師曠止之曰此亡國之聲也不可聽平公曰何道出

師曠曰師延所作也與紂為靡靡之樂武王伐紂師延東走自

投濮水之中故聞此聲必於濮水之上先聞此聲者國削平公

曰寡人所好者音也願遂聞之師涓鼓而終之

鶉之奔奔

經筵不講

紹興間王庭秀磨納集中詆訾程子之學以荆舒章蔡為賢王厚齋曰自荆舒之學行為之徒者請禁讀史書其後經筵不讀國風而湯誓泰誓亦不進講人君不知危亡之事其效可見矣定之方中

樹八尺臬

樹立也臬法也周禮地官大司徒以土圭之法測土深去聲正日景以求地中日至之景尺有五寸謂之地中景居鄭司農曰土圭之長尺有五寸以夏至之日立八尺之表其景適與土圭等謂之地中

測景正方面

公劉既景迺岡即司徒正日中景景者光也明也

景山名

殷武陟彼景山景為山名商之所都

楚邱

孔氏詩正義曰楚邱在濟河閒疑在今東都界衛本河北至懿公為狄所滅乃東徙渡河野處漕邑則在河南矣楚邱與漕不甚相遠亦河南明矣杜預云楚邱濟陰成武縣西南羅氏路史曰郡國志成武有楚邱亭城冢記齊桓公築衛文公居僖二年所城今澶之衛南西北四里楚邱城也戎伐凡伯于楚邱執之以歸今楚邱即戎州之邑漕在今之滑楚邱在今之澶不出衛之邦內非拱州之楚邱拱州楚邱乃張守節史記正義所謂楚邱故城在宋州者然今楚邱縣有景山京山殆後人附會也

駮

周禮庾人六尺以上為馬七尺以上為駮八尺以上為龍凡馬之用宗廟用龍田事用駮田獵之事也謂之龍者馬高八尺以上擬於龍

記

禮記曲禮數馬畜以言其富者不敢斥言也

春秋傳

魯僖公之二年齊桓公城楚邱而封衛

蝮蝮

周禮十輝

春官眡祲掌十輝之法以觀妖祥辨吉凶眡與視同祲音運一曰祲

陰陽氣二曰象如赤三曰鑿許規切旁氣四四曰監臨於日五

相侵日閽食日月六曰菅菅母互切日月七曰彌彌白虹八曰敘雲有次序

上九曰濟虹也虹音洪又音絳十曰想雜氣有形掌安宅敘降

正歲則行事歲終則弊必袂其事弊斷也

載馳

岸善崩

漢書溝洫志孝武時嚴熊言臨晉民願穿洛以漑重泉以東萬

餘頃故惡地穿渠自徵音懲即澄城引洛水至商顏下岸善崩乃鑿

井深者四十餘丈井下相通行水井渠自此始穿得龍骨故名

龍骨渠

因魏莊子

左襄四年無終子嘉父使孔樂如晉因魏莊子納虎豹之皮以

請和諸戎無終山戎國名子爵而名嘉父莊子晉大夫魏絳

見春秋傳

閔二年許穆夫人賦載馳

叔孫豹

襄十九年穆叔即叔孫豹見叔向晉羊舌肸賦載馳之四章文十三年鄭

子家賦載馳皆取控于大邦意

詩傳旁通卷二

詩傳旁通卷三

國風

衛

衛

衛者衛護曰曹曰衛以其在畿域之內而分曹遮衛左馮翊右  
扶風之義也馮音感三國以淇為分鄘云送我乎淇衛云送子涉  
淇邶云亦流于淇此以淇為分界也衛本古觀國夏后啟之庶  
子太康之弟兄弟五人俱封于衛是為五觀夏衰滅焉又有一  
衛國郡國志云東郡衛國公姚姓舜之後也有河牧城見於桑  
欽水經乃今之鎮州靈壽縣西北云觀去聲

淇奧

武公入相

嚴坦叔桑曰疏言淇奧之詩或幽或平未可知也歐陽補圖屬  
之平王今定為幽王衛武享國五十有五前為宣後為平何以

知淇奧之中爲幽也蓋淇奧美武公之入相其入者相幽也武公既入作賓之初筵入爲卿士之時幽王時也武公之相于幽至平而進爲公孔氏謂幽王之時武公已爲卿士是也

淇園之竹

史記河渠書漢武帝元光三年河決瓠子後二十餘歲天子既封禪巡祭山川自臨決河沈白馬玉璧于河令羣臣從官自將軍以下皆負薪實填決河是時東郡薪柴少而下淇園之竹以爲楫楫者樹之水中稍下竹及土木音其勉切

憫錫

范處義詩補傳曰荀卿云陋者俄且憫釋之者引說文曰晉魏之閒謂猛謂憫所以憫爲威嚴之貌恂栗之恂音去聲戰懼意見莊子

鑪刀庶切錯也錯者磨物之器也  
錫湯之去聲

重較

孔穎達正義曰周禮輿人注云較音角兩輪倚意上出式者則較謂車之兩旁今謂之平較但周禮無重較單較之文范處義詩補傳曰較高五尺五寸式高三尺五寸較既出于式上故謂之重較

張弛

禮記雜記記孔子之言曰一張一弛文武之道鄭氏注張弛以弓弩喻人也弓弩久張之則絕其力久弛之則失其體

懿戒

國語楚左史倚相曰昔衛武公年數九十五矣猶箴儆于國於是乎作懿戒以自儆韋昭注云懿詩篇名懿之曰抑卽今大雅抑詩也

考槃

盆缶節歌

莊子妻死箕踞鼓盆惠子曰鼓盆而歌不已甚乎莊子趙王為秦  
王鼓瑟秦王為趙王擊缶史記李斯傳擊甕叩缶彈箏搏髀歌呼  
鳴鳴史記楊惲傳酒後耳熱仰天拊缶而呼嗚嗚漢書甗甫有切與  
缶同秦人好擊缶以節歌為樂其俗如此

碩人

邢

邢姬姓侯爵周公之後春秋圖以為有姓無爵非也僖公元年  
齊桓公遷邢于夷儀後為衛所滅邢治龍岡夷儀城內西南隅  
小城也秦為信都王莽為襄國隋為邢州今為順德路臣瓚曰  
夷儀城在襄國西百里應劭曰邢侯自襄國徙此謂之邢邱

譚

譚之字亦作諱羸姓子爵魯莊公十年齊桓公滅之今齊之歷  
城唐武德中為譚州東南十里有故城杜預云濟南之東平陸  
西南有古譚城字又作諱與郊異

鄒子爵羸姓秦為鄒郡漢東海鄒縣唐入下邳沂沭音二水  
間周十餘里有鄒子廟其地在齊莒之間宋淮陽軍治有古  
鄒城

玉藻

路寢公羊傳曰路寢者何正寢也天子諸侯皆有三寢一曰高  
寢二曰路寢三曰小寢小寢禮記玉藻注小寢燕寢也釋服服  
玄端

河水北流入海

河海皆見周頌

坻

頓邱

爾雅釋邱一成為頓邱謂一頓而成也成者重也頓邱以邱名  
縣在朝歌紂都之東漢地理志頓邱縣在東郡羅長源路史曰  
頓邱古觀國地夏同姓熙寧省入清豐縣

體

體兆卦之體金滕書云曰體王其罔害周禮占人凡卜君占體大夫占色史占墨卜人占坼以此氓詩觀之固不拘其說

童容

童容婦人車飾孔穎達曰以帷幃車之兩旁如裳以為容飾巾車注謂之裳幃或曰幃容

思終思復

左襄二十五年衛太叔文子曰君子之行下孟思其終也思其復也

竹竿

泉源

泉水即衛州共城之百泉淇水出相州林慮閭縣東流泉水自西北來注之

粲然皆笑

穀梁傳軍人粲然皆笑粲明也笑而露其齒白也選詩粲然啟

玉齒

芄蘭

鞞

鞞決拾之決也夏官繕人作決決者包右拇指以鉤弦拾則鞞左臂以防絆弦以其遂弦故亦名遂

朱極三

儀禮大射儀曰公就物小射正奉決拾以笥大射正執方皆以從於物小射正坐奠笥於陽南遂拂以巾取決興贊設決朱極三鄭康成曰鞞之言沓所以彊沓手指孔穎達曰極猶放弦也以沓指放弦令不挈也挈音以朱韋為之三者食指將指無名指小指短不用凡皮生曰革熟曰韋此朱極三即俗謂之皮包指將子亮切中指也

河廣

衛宋

衛都朝歌在河北宋都睢陽在河南

伯兮

女為悅己容

史記豫讓曰士為知己者死女為悅己者容今知伯知我必為報讐而死則吾魂魄不愧矣

王

唐啖助春秋傳曰幽厲雖衰雅未有風平王之初人習餘化及化變風移陵遲久矣

胡文定公春秋傳曰孟子曰王者之迹熄而詩亡詩亡然後春秋作何也自黍離降為國風天下無復有雅而王者之詩亡矣孔子曰平王東遷政遂微弱化之所被纔及郊圻詩作後于衛頃國地狹於千里故次之於衛也尊之猶稱王在風則卑矣音頃

宗周

鄭氏詩譜曰始武王作邑於鎬京謂之宗周是為西都成王在豐欲完洛邑使召公先相宅既成謂之王城今河南是召公既相宅周公往營成周今洛陽是成王居洛邑遷殷頑民於成周復還歸處西都李氏迂仲曰成王營東都王城則遷九鼎成周則居頑民焉謹按宗周之地即西都也自周平王東遷于洛之後豐鎬岐雍西都畿內八百里之地皆為秦人有而謂之秦矣

戲

戲地名亦水名在驪山之北今新豐有戲亭幽王死焉郡縣圖志昭應東北三十里有古戲亭武王克商命呂佗伐戲戲在紂都畿內章邯入關至戲亦此地戲音許宜切左傳襄公九年之戲乃鄭地

黍離

彼

毛傳彼彼宗廟宮室黍離離稷之苗箕子過故殷墟麥秀之歌  
麥秀漸漸兮禾黍油油與黍稷之詩意同漸音杉

君子陽陽

房敖

房毛傳國君有房中之樂鄭箋欲使我從之於房中俱在樂官  
也朱子語錄由房只是人出入處古人屋於房處前有壁後無  
壁所以通內

敖舞位鄭箋欲使我從之於燕舞之位亦俱在樂官也

揚之水

申

伯爵初爲侯平王母申姜國楚靈王遷之今信陽之方城內也  
方城山名漢平氏縣魏義陽軍劉宋立司州宋安郡梁曰北司  
州改郢州周爲申州隋爲義州唐爲申州宋曰義陽改信陽軍  
國朝爲信陽州淮水所出

甫卽呂也

呂

孔穎達書正義記傳引呂刑多爲甫刑詩大雅崧高爲宣王時  
詩云生甫及申王風揚之水爲平王時詩云不與我戍甫明子  
孫改封爲甫侯穆王時未有甫名而稱爲甫刑者後人以子孫  
國號名之也宣王以後改呂爲甫而鄭語史伯云申呂雖衰齊  
許猶存乃幽王時言仍得稱呂者因申呂之文呂卽甫也

呂侯爵伯夷之封也舜紀云伯夷次禹能禮于神爰封之呂  
杜預云在南陽宛縣西宛於後周併入南陽南陽本隸鄧而  
今之鄧乃隸南陽博物志曲海城有東呂鄉東呂里太公望  
所出也寰宇記密之莒縣東百六十里漢曲海城太公出于  
東呂呂莒也霍邑亦曰呂唐武德中爲呂州十七年廢乃莒  
邑也晉獻公十九年會虞師伐虢滅下陽虢公醜奔衛晉侯  
命瑕父呂甥邑于虢此河東之呂也圖經以新蔡爲古呂國  
後來之呂近于申在周亦曰甫字亦作郟

許

姜姓國大岳之胤也齊許申呂皆四岳之後春秋許男地即今許州

董澤之蒲

左宣十二年晉廚武子曰董澤之蒲可勝既乎廚武子晉大夫魏錡董澤晉之澤名其地多蒲柳可為箭蒲柳一名楊柳

不共戴天

曲禮注父者子之天殺己之天與共戴天非孝子也行求殺之乃止故父母之讐不與共戴天

中谷有蕓

益母草

蕓一名益母一名芡蔚爾雅蕓音追疏釋曰蕓一名蕓郭璞注曰今芡蔚也芡音充蔚音尉葉似荏方莖白華華生節閒全似杜天麻而不生橫枝天麻則方莖紫華子黑色細長三稜

一名蔚臭劉歆云蕓臭穢一名益母故昔者曾子見益母而悲也荏似紫蘇而高大音稔

脯脩

如脯之謂脩乾肉脯也

葛藟

不有寡君

有謂有心服事不有謂無心服事左傳昭公三年晉韓宣子起

使叔向對宋子皮虎曰君若辱我寡君在楚何害脩宋盟也君

苟思盟寡君乃知免於戾矣君若不有寡君雖朝夕辱於敝邑

寡君猜焉君實有心何辱命焉君其往也苟有寡君在楚猶在

晉也

潛

夷上洒下曰潛孫炎云平上隋下也郭璞云厓上平坦而下水深者為潛洒取猥切音璫峻貌

采葛

荻

爾雅釋草曰蕭荻李巡云荻一名蕭陸璣以為荻蒿或以為牛尾蒿陸農師曰蕭可以祭故其字從蕭亦秋風之過蕭意氣蕭然故蕭亦名荻而其字從蕭也蕭可以緯顏延年靖節徵士誄云灌畦鬻蔬為供魚菽之祭織絢緯蕭以充糧粒之費陸璣字元恪吳人陸佃字農師山陰人

鄭

鄭之名三桓公采地於咸林蓋未為國其地在華陰鄭縣今鄭縣西北三里有古鄭城武公徙河南併號鄭十邑居之故莊公云吾先君新邑於此是為新鄭在今鄭州舊傳云桓公死于犬戎其民南奔漢中是為南鄭今興元府路

緇衣

好賢如緇衣孔叢子

禮記子曰好賢如緇衣惡惡如巷伯則爵不瀆而民作愿刑不試而民咸服鄭氏注曰緇衣巷伯皆詩篇名曰緇衣首章曰緇衣之宜兮敝予又改為兮適子之館兮還予授子之粲兮言此衣於既緇衣者賢者也宜長為國君其衣敝我願改制授之以新衣是其好賢欲其貴之甚也

孔叢子曰孔子曰於緇衣見好賢之至至朱傳作實

叔于田

共叔段

左隱元年鄭武公娶于申曰武姜生莊公及共叔段及莊公即位請京使居之謂之京城太叔太叔將襲鄭公命子封公子帥車二百乘以伐京京叛太叔段入于鄆公伐諸鄆太叔出奔

共鄆音偃音恭

大叔于田

火焚而射

火火田也爾雅火田為狩王制昆蟲未螫不以火田周禮仲春蒐田用火弊火田者焚除萊草而田獵也弊者止也皆殺而火止故曰火弊

上駟

史記齊田忌與諸公子馳射不勝孫臏曰以君下駟與彼上駟取君上駟與彼中駟取君中駟與彼下駟既馳三輩忌一不勝而再勝乃得千金見齊世家

舍拔覆簫

拔矢末也所謂括也字亦作筈箭本受弦處也孔氏曰以鏃為首故括為末舍拔放箭也音跋簫與彌字同彌弓之梢末所謂弭也蓋弓弭頭也曲禮左手執簫疏者云弓頭梢剡差斜似簫故名曰簫又謂之梢師交切剡銳利也禮云圭剡上謂削之令上銳也

棚冰

左昭十三年魯司鐸射懷錦奉壺飲冰射音亦司鐸官之名冰與棚同箭筈也可以取水飲又昭二十七年晉范獻子曰豈其伐人而說脫甲執冰以游箭筈今謂之筈簾亦作籛

清人

高克

左傳鄭人為之賦清人清邑在滎陽中牟西

鄭棄其師

春秋閔公二年鄭棄其師公羊傳鄭棄其師者何惡其將也鄭伯惡高克使之將逐而不納棄師之道也穀梁傳鄭棄其師惡其長也兼不反其眾則是棄其師也

羔裘

君用純物

君之衣用純色之物臣下之者下一等也如今之番披襖之類人君純用銀鼠人臣必雜以貂鼠不敢用一色也

遵大路

攬子祛

宋玉登徒子好色賦曰臣少曾遠游從容鄭衛溱洧之間是時向春之末迎夏之陽倉庚喈喈羣女出桑此郊之姝華色含光體美容冶不待飾裝臣觀其麗因稱詩曰遵大路兮攬子祛贈以芳華辭甚妙李善文選注曰稱此詩者此本鄭詩故稱之以感動

女曰雞鳴

明星

爾雅釋星明星謂之启明郭景純注太白星也晨見東方為启明昏見西方為太白启與啟同太白一名長庚餘見大東

弓繳加鳧鴈

史記楚世家曰楚人有好以弱弓微繳加歸鴈之上者頃襄王聞之召而問之對曰小人之好射騏鴈羅鷲小矢之發也何足

以為大王道也且禘楚之大因大王之賢所弋非直此也好音耗繳音灼頃音傾騏音其小鴈也鷲音龍小鳥名直猶但也歸鴈謂北歸之鴈

鴈宜麥之屬

禮記內則牛宜稌羊宜黍豕宜稷犬宜梁鴈宜麥魚宜菘稌稗稻也稌音杜稗音庚黍稷粟也稗音述稷稌粟也稌音祭梁似粟而大五穀之長也菘芡苗米也菘音孤

珩璜琚瑀

毛傳雜佩者珩璜琚瑀衝牙之類珩音衡璜音黃亦音橫琚音居瑀音禹瑀石次玉製為大珠

觶燧箴管

內則子事父母左右佩用左佩紛帨刀礪小觶金燧右佩玦捍管造大觶木燧婦事舅姑左佩紛帨刀礪小觶金燧右佩箴管線纊鄭氏注曰紛帨拭物之巾也今齊人有言紛者刀礪小刀

及礪礪也小觶解小結也觶貌如錐以象骨爲之金燧可取火  
於日捍猶拾也言可以捍絃也管筆軀也遶刀鞞也木燧鑽火  
也箴管箴在管中也悅音稅礪音厲觶許規切燧音遂玦音決  
捍音汗遶音逝箴與針同續音曠軀苦侯切軀沓也鞞音畢  
褰裳

溱洧

溱水一名澗水一名澮水出滎陽澮城西北鷄絡塢下東南入  
於洧川出滎陽密縣西馬嶺山密今隸河南其水東南有溱水  
入焉又過新鄭有黃水入焉又東南至長平入潁水長平今爲  
陳州西華縣西漢地理志亦云洧川出潁州陽城山東南至長  
平入潁今汴梁之洧川縣地近鄭州

丰

褰禪

記玉藻曰禪爲絢帛爲褶注曰絢有衣裳而無裏褶袂也有表

裏而無著褰與絢同禪音丹褶音牒袂音夾著音貯著者袍中  
之絮所謂臬者

東門之墀

陂阪

除地町町 栗

爾雅釋地陂者阪陂音坡與坡同郭景純曰坡陀不平

除地町町者町吐鼎切墀除也去草也封土爲壇除地爲墀

町町言有町畦

門之旁有栗毛傳行上栗也鄭箋行道也左傳趙武魏絳斬  
行栗杜預云表道樹也

揚之水

迂與誑同

左定十年宋公子地出奔陳宋景公弗止公子辰爲之請勿聽  
辰曰是我迂吾兄也按春秋迂字之義正與此揚之水詩人實  
迂女汝之迂同迂者欺誑也音求況切又古況切

齊地今之青州晏子曰爽鳩氏始居之季荊因之伯陵又因之薄姑氏又因之然後太公因之爽鳩在太昊時季荊夏季伯陵薄姑商之末

齊有二其一北齊逢伯陵之後伯陵先封逢後改封齊故稱逢伯陵伯益書曰炎帝生器器生伯陵周語曰周龍之分我之皇妣太姜之姪伯陵之後逢公之所憑神伯陵太姜之祖逢公伯陵之後為商侯伯封于齊地是伯陵前封于齊而太公繼其後也太公之齊侯爵居爽鳩氏之故墟太公都營邱今青州之臨淄然營邱故城乃在濰州之昌樂故萊侯與太公爭營邱後胡公徙薄姑齊地記云邱高九丈下周三百步邱臨淄水故曰臨淄

無庶  
雞鳴

嚴坦叔曰無庶猶言庶無古人辭急倒用也坦叔曰齊亦二南之變也

猛

地理志猛嶼嶼皆山名在齊地音乃高切

著

親迎

西階

禮記哀公問冕而親迎去聲不已重乎孔子愀情然作色而對曰合二姓之好以繼先聖之後以為天地宗廟社稷之主君何謂已重乎孔子又曰天地不合萬物不生大昏萬世之嗣也君何謂已重乎昏義曰父親醮子而命之迎男先於女也醮冠昏祭名酌酒而無酬酢曰醮

西階儀禮昏禮篇婦至主人揖婦以入及寢門揖入升自西階

東方未明

瞿瞿

漢吳王濞傳曰西王瞿然駭師古曰瞿然無守之貌禮記檀弓曾子聞之瞿然皆驚顧之貌

南山

雄狐

陸農師曰雄狐說者以為牡狐非也宜讀如狐不二雄之雄雄狐君象也狐一羣不二雄

盧令

于思

左宣二年宋城華元為植巡功城者謳曰睥其目瞞其腹棄甲而復于思于思棄甲復來為植者植謂將主也睥音還之上聲

敝笱

禚

祝邱防

穀

春秋莊公二年會禚音灼齊地祝邱魯地七年春會防魯地冬會穀齊地

載驅

汶

濟清河

汶水出萊蕪縣西南經濟北至東平壽張縣入濟萊蕪今隸兗州一云出奉符縣原山西北

濟濟水從滎陽縣北東過敖山北東合滎瀆滎瀆今流已絕東索水入之東過陽武縣北又東過封邱縣東過酸棗縣之烏巢澤北又東過乘氏縣南分為荷水東北過鉅野濮水入之東北過壽張汶水從東北來入之北過須城漁山之東左合馬頰水北過臨邑東北過盧城北東北灤水入之灤音洛亦音鹿其水出齊州歷城縣西北入于濟謂之灤口又東北過華不注山華水入之東北過蒲臺縣東過鄒平時水入之時水一名彰一名如水一名澆水一名乾時又東北過樂安

故城南東北過利縣西利縣在濟城北又東北過甲下邑河  
分一枝入焉釋名云濟濟也言源出河北濟河而南也濟水  
多伏流地中南豐曾子固知濟南作二堂一曰歷山之堂一  
曰灤源之堂以館使客曾公齊二堂記曰按圖泰山之北與  
齊之東南諸谷之水西北匯于黑水之灣又西北匯于柏崖  
之灣而至于渴馬之崖蓋水之來也眾其北折而西也悍疾  
尤甚及至于崖下則泊然而止而自崖以北至于歷城之西  
蓋五十里而有泉涌出高或至數尺其旁之人名之曰趵突  
之泉齊人皆謂嘗有棄糠于黑水之灣者而見之於此蓋泉  
自渴馬之崖潛流地中而至此復出也趵突之泉冬溫泉旁  
之蔬甲經冬常榮故又謂之溫泉其注而北則謂之灤水達  
于清河以入于海舟之過于齊者皆于是乎出也齊多甘泉  
冠于天下其顯名者以十數而色味皆同以余驗之蓋皆灤  
水之旁出者也灤水嘗見於春秋魯桓公十有八年公及齊

侯會於灤杜預釋一在歷城西北入濟水自王莽時不能被  
河南而灤水之所入者清河也預蓋失之趵北角切玉篇云  
足擊聲

清河泗水舊云出汴縣故城東南桃虛西北卞縣今兗州泗  
水縣是或云泗水出鄆州梁山泊許慎說文云泗水受濟水  
桑欽水經云濟水至濟陰乘氏縣分爲二一水東北流爲北  
濟一水南流爲南濟鄭夾漈曰今此水與濟已不通泗源出  
泗水縣西南流有洙水入之洙水出魯城北下合泗水所謂  
洙泗也西南至方與音縣荷水入之其水出乘氏班固亦謂  
之泗水方與今單州魚臺縣有瀋水至高平湖陸入泗水又  
南至彭城名曰汴水有睢水入之睢水自浚儀縣東經陳畱  
梁譙沛彭城入泗浚儀改爲祥符縣西南至下坯有沂水入  
之沂水舊云出蓋音縣艾山今其地在泗水奉符閒南流又  
南過臨沂至下坯入泗又南至楚州山陽縣入淮此水今人

謂之清河

猗嗟

大射鵠賓射正征音

大射者將祭而擇士於射宮賓射者諸侯來朝與之射於朝又有燕射因燕賓客即與之射於寢此三射者射之禮也正鵠皆鳥名齊魯之間呼題肩鳥為正小而捷黠射之難中故取名焉

金僕姑

左莊十一年乘邱之役公以金僕姑射南宮長萬金僕姑箭名長萬宋大夫長上聲

趙子

唐趙匡字伯循天水人仕至殿中侍御史淮南節度判官明春秋經學授關中啖助叔佐助授吳郡陸淳伯冲淳作春秋集傳纂例行於世

詩傳旁通卷三

詩傳旁通卷四

國風

魏

魏

姬姓國郡國志陝州魏城今陝治平陸有古魏城晉獻公滅之以賜畢萬或云魏在安邑與芮國相近芮城北五里魏城萬所封也

解

唐叔後今河中臨晉東南故解城在桑泉之南虞鄉東三十里後魏分為二南解虞鄉北解臨晉以蚩尤體解而名為解有解池今產鹽

葛屨

廟見

禮記曾子問孔子曰嫁女之家三夜不息燭思相離也娶婦之

家三日不舉樂思嗣親也三月而廟見稱來婦也擇日而祭於  
禰成婦之義也注曰成昏而舅姑存者明日婦見舅姑若舅姑  
已沒則成昏三月乃見于廟來婦者來爲婦也廟見祭禰卽是  
一事見音現禰乃禮切父廟也

汾沮洳

汾晉水 澮水 絳水

汾水出太原汾陽縣北管涔山汾陽今太原治陽曲也東南過  
晉陽縣東晉水從縣南東流入焉南與文水合西南過高梁遂  
西行過臨汾又西過絳縣西四十里虜祁宮北西過王澤有澮  
水從東來入焉西至汾陰縣北西入于河汾陰河中府滎河縣  
也

晉水出晉陽縣西懸瓮山晉陽宋改平晉熙寧中省曰晉水  
過縣之南東入於汾  
澮水出絳州翼城澮高山又西南過絳與絳水合又西過虜

祁宮南西入於汾

絳水出絳縣西南入澮

公行公族

左宣二年初驪姬之亂詛無畜羣公子自是晉無公族及成公  
卽位乃宦也仕卿之適也音的子而爲之田田以爲公族又宦其餘子  
亦爲餘子其庶子爲公行音杭晉於是公族餘子公行 公行  
卽公路左氏趙盾以括爲公族又云盾爲軫車之族軫音毛服  
度云軫車戎車之倅也杜預云公行之官也盾自以爲庶子遜  
公族而爲公行也公族掌公之宗族以適子爲之

視見垣一方人

史記扁鵲姓秦氏名越人勃海郡鄭人也長桑君以懷中藥與  
扁鵲曰飲是以上池之水三十日當知物矣乃悉取其禁方書  
盡與扁鵲忽然不見扁鵲以其言飲藥三十日視見垣一方人  
以此視病盡見五藏癥結特以診脈爲名耳今河間路莫州有

扁鵲廟則徐廣謂勃海鄭人者非作鄭者是鄭音莫長桑君長  
上聲上池水謂水未至地者垣一方人垣牆也方猶邊也言能  
隔牆見彼邊之人也藏臧同癥音徵脈脉同

園有桃

徒歌曰謠

爾雅釋樂徒歌謂之謠孫炎曰聲消搖也孔穎達曰經傳諸言  
歌者皆謂以絃和之故行葦詩毛傳云歌者比於琴瑟也和比  
皆去聲

伐檀

猶爲人猗

莊子大宗師篇子桑戶死孔子聞之使子貢往待事焉或編曲  
或鼓琴相和而歌曰嗟來桑戶乎而也汝已反其真而我猶爲人  
猗於宜切歎辭也

徐穉之流

東漢徐穉字孺子豫章南昌人家貧常自耕稼非其力不食恭  
儉義讓所居服其德

唐

唐堯都

唐國卽中山今定之新樂與唐縣俱是有堯山唐水望都故城  
望都里東北有廣唐城東有堯故城張晏云堯爲唐侯國於此  
地後都平陽安邑亦皆曰唐或曰唐本堯都

堯都有四一中山唐國一河東平陽一河東彘縣順帝改永  
安一太原晉陽唐故墟晉水所出

晉陶

唐本堯封在夏虛晉陽世本云叔虞居鄂鄂爲大夏卽夏虛也  
後曰晉以水名今并州之陽曲故平晉西南十六里有叔虞祠  
墓嚴坦叔曰成王封叔虞於堯都晉陽之故墟曰唐侯其子燮  
以晉水所出改爲晉侯晉陽實晉水所出唐以堯得名晉以水

得名其地一也

陶高辛封之今廣濟軍治古定陶城有陶邱鄆州平陰有陶

山

蟋蟀

役車

周禮春官巾車云役車方箱此車可載任器以供役收納禾稼

亦用此車

山有樞

君子無故琴瑟不離於側

禮記曲禮君子無故不徹琴瑟

揚之水

晉昭侯封叔成師於曲沃

千畝

左桓二年初晉穆侯之夫人姜氏以條之役生太子命之曰仇其弟以千畝之戰生命之曰成師惠之二十四年晉始亂故封

桓叔於曲沃

千畝杜預曰西河界休縣南有地名千畝界休今作介休

曲沃

叔虞三世孫成侯居之以封桓叔故其地有先君之廟獻公城之以居申生曰新城漢曰曲沃今隸絳州嚴坦叔曰即河東聞喜縣

絳

叔虞八世孫穆侯僖侯之孫也自曲沃徙絳而居之魯莊二十六年士蔿城絳二漢為縣今隸絳州有絳山絳水有故絳城在翼城東南曲沃南相近景公遷新田又曰絳乃以翼為故絳

翼

叔虞十世孫昭侯自絳徙翼昭侯子孝侯居之因曰翼侯孝侯名平今翼城東十五里有翼故城蓋其地去絳為近

田氏於齊

曲沃武公

春秋哀公五年秋九月癸酉齊侯杵臼卒冬閏月葬齊景公六年秋陽生入於齊齊陳乞弒其君荼陽生悼公左傳齊燕姬生子不成而死諸子鬻姒之子荼嬖公疾使國惠子高昭子立荼景公卒陳僖子使召公子陽生陽生遂逮夜至於齊國人知之冬十月立之陳僖子田乞也陳公子完奔齊故齊有陳氏後又改陳為田氏陽生以五年冬十月奔魯故僖子召之國人知之而不言者見陳氏得眾心也

曲沃武公魯惠公二十四年晉文侯之三十五年也其年文侯卒子昭侯立魯惠公三十年晉潘父弒昭侯納桓叔不克桓叔敗還曲沃晉人立昭侯之子平是為孝侯孝侯八年曲沃桓叔卒子蟬代立是為曲沃莊伯魯惠公四十五年晉孝侯之十五年曲沃莊伯伐翼弒孝侯翼人立孝侯之弟郟為鄂侯鄂侯二年曲沃莊伯之十一年魯隱公之元年也隱公五年曲沃伐翼翼侯奔隨周天子桓王命虢公立鄂侯之子

光于翼是為哀侯隱公六年晉逆晉侯于隨納諸鄂謂之鄂侯隱公七年曲沃莊伯卒子稱代立是為曲沃武公魯桓公三年曲沃伐翼獲哀侯晉人立其子小子侯桓公七年曲沃武公殺小子侯桓公八年曲沃滅翼周桓王命虢仲立哀侯之弟緡于晉魯莊公十六年晉侯緡之二十七年曲沃武公伐晉滅之盡以其寶器賂周僖王王命曲沃伯以一軍為晉侯始更號曰晉武公

綱繆

女三為粲

劉向列女傳密康公之母姓魏氏周恭王遊於涇上康公從有三女奔之其母曰必致之王夫獸三為羣人三為眾女三為粲正田不取羣公行下眾王御不參一族夫粲美之物歸汝而何德以堪之王猶不堪況爾小醜乎康公不獻王滅密密蓋畿內諸侯也

無衣

七命六命

侯伯七命車旗衣服以七為節天子之卿六命車旗衣服以六為節蓋視子男也

秦

雍

王伯厚困學紀聞曰朱文公詩傳秦德公徙雍今京兆府興平縣按輿地廣記鳳翔府天興縣故雍縣秦德公所都也興平乃章邯為雍王所都之廢邱也當云雍今鳳翔府天興縣漢京兆扶風馮掖為三輔京兆長安永興安西國朝改奉元漢扶風唐為始平今仍鳳翔

駟職

辰牡

天官獸人掌罟田獸辨其名物冬獻狼夏獻麋春秋獻獸物注

曰狼膏聚麋膏散聚則温散則涼以救時之苦獸物者凡獸皆可獻也鹿豕及狐狸之類百獸之物

逐禽左

地官保氏注五御鳴和鑿逐水曲過君表舞交衢逐禽左逐禽左者命御者左其車以射獸之左蓋自左膘膘而射之達于右膈膈為上殺以為乾豆乾居寒切奉宗廟膘者膈後髀髀前肉膈者肩前也上殺者中其心則死疾肉鮮潔也中音眾

驅逆之車緹

夏官司馬中冬教大閱中音仲遂以狩田既陳陣乃設驅平去二音逆之車有司表貉陌于陳前注曰驅者驅出禽獸使趨田也逆者逆要腰令不得走也禮記王制天子不合圍諸侯不掩羣天子殺則下大綏諸侯殺則下小綏大夫殺則止佐車佐車止則百姓田獵佐車驅逆之車也

綏音藜如佳切以旄牛尾為之綴於幢上凡旌旗之上皆注

旄羽於竿首橦音幢帳柱也

乘車鸞在衡

商頌烈祖八鸞鸛鸛鄭氏箋云鸞在鑣四馬則八鸞鑣悲矯切馬啣也孔氏疏云鄭於秦風駟鐵云置鸞於鑣異於乘車於禮記經解注云鸞在衡車軛曰衡則鄭以乘車之鸞必在衡而詩烈祖之鸞在鑣者以鸞之所在經無正文而殷周或異故從舊說以為在鑣示不敢質也

小戎

驂之有靳

左定九年齊人王猛謂東郭書曰吾從子如驂之靳靳車中馬也言已從書如驂馬之隨靳也

兩靽將絕

左哀二年晉趙簡子與鄭人戰訖論功郵良曰我兩靽將絕吾能止之我御之上也駕而乘材兩靽皆絕郵良即王良乘載也材橫

木也以喻細小乃駕馬而載細小之橫木使簡子觀之兩靽皆絕以明己能止使不絕之功

鏤膺

范處義詩補傳曰鞞以虎皮為之而以金鏤飾其膺膺也謂弓室之胷也爾雅金謂之鏤此章不言馬皆言弓嚴坦叔曰補傳之義為長

終南

君衣狐白裘錦衣以裼之

記玉藻注君衣狐白毛之裘則以素錦為衣覆之使可裼也袒而有衣曰裼必覆之者裘褻也詩云衣錦絢衣裳錦絢裳然則錦衣復有上衣明矣天子狐白之上衣皮弁服與凡裼衣象裘色也裼音錫袒音但褻音薛

黃鳥

事見春秋傳

左文六年國人哀之為之賦黃鳥 蘇文忠公鳳翔八觀詩秦穆公墓曰昔公生不誅孟明豈有死之日而忍用其良乃知三子殉公意亦如齊之二子從田橫恥堂高斯得詩傳膚說中取此詩

始皇之葬

史記秦始皇三十七年十月出遊十一月行至雲夢浮江下過丹陽至錢塘臨浙江上會稽會音並蒲浪切海西至平原津而病七月崩於沙邱九月葬驪山令匠作機弩矢有穿近者輒射之以水銀為百川江河大海機相灌輸上具天文下具地理後宮非有子者皆令從死從去聲死者甚眾葬既已下或言工匠為機藏皆知之事畢於是盡閉工匠無復出者

晨風

辰屨歌

百里奚妻琴歌三篇其一曰百里奚五羊皮憶別時烹伏雌炊

辰屨今日富貴忘我為其二曰百里奚初娶我時五羊皮臨當別時烹乳雞今適富貴忘我為其三曰百里奚百里奚母已死葬南溪墳以瓦覆以柴春黃黎搯伏雞西入秦五羖皮今日富貴捐我為百里奚虞人為秦大夫其妻寄之如此辰之染切屨音移門關也

酢

酢醋同召南標有梅言梅實似杏而酢此言棧實酢可食凡言醋者猶言酸也

無衣

襦

襦古顯切禮記玉藻云纁為襦緼為袍孔穎達曰純著新縣名為襦雜用舊絮名為袍著音貯

澤如字鄭箋釋褻衣也釋音除草切說文袴也今鄭箋止云釋褻衣二章之澤

招賈誼過秦論招八州朝同列招音翹舉也以雍之一州舉八州也朝音潮朝同列與孟子朝秦楚語意同言致同列之來朝也

渭陽

令狐之役

左文六年八月晉襄公卒靈公少晉人以難故欲立長君趙宣子曰立公子雍使先蔑士會如秦逆公子雍七年秦康公送公子雍于晉曰文公之入也無衛故有呂卻呂甥之難乃多與之徒衛穆嬴日抱太子以啼于朝出朝則抱以適趙氏宣子與諸大夫皆患穆嬴且畏偪乃背先蔑而立靈公以禦秦師敗秦師于令狐令音音至于刳首十二年秦為令狐之役故冬秦伯侵晉取羈馬十二月秦軍掩晉上軍宣子出戰交綏秦師夜遁復侵晉入瑕交綏者兩軍皆退也退軍為之綏 令狐晉魏顛之食邑今猗氏縣西十五里有令狐故城

權輿

始也

爾雅訓曰權輿始也羅長源曰帝顓頊高陽氏礪名岡傑大澤制十等之幣以通有無曰權衡陳少南曰作量自權始以準量由此而生造車自輿始以蓋軫由此而起故曰權輿

楚元王

吳 胥靡 杵曰雅春

漢書元王交字游高祖同父少弟也好書多材藝少時嘗與魯穆生白生申公俱受詩於孫卿門人浮邱伯漢六年立交為楚王元王既至楚以穆生白生申公為中大夫王好詩諸子皆讀詩申公始為詩傳號魯詩元王亦次之詩傳曰元王詩立二十三年薨子郢客嗣四年薨子戊嗣穆生謝病去申公白生獨留王戊稍淫暴二十年為薄太后服坐私姦削東海薛郡乃與吳通謀二人諫不聽胥靡之衣之赭衣使杵曰雅春於市

吳吳王濞晉景帝時七國反者

胥靡胥相也靡隨也聯繫使相隨也

杵曰雅春杵曰為木杵而手春即今步曰雅春雅者正也正  
面相對而手春也

陳

陳胡公

虞舜三妃娥皇女英癸比娥皇一作娥育女英一作女營娥皇  
無子女英生義均及季釐二子季釐封於緡義均封於商是為  
商均今商於山有女英墓蓋從其子來商也禹封其子于虞曰  
虞思次妃癸比生二女曰宵明日燭光處於大澤或以為湘之  
神庶子七人皆釐降于齊民胡公世不淫至虞闕父為周陶正  
武王妃配其子滿以大姬錫之媯姓與肅慎氏之寶復封之於  
陳以備三恪齊民齊等之民猶言平民也

三恪媯

左襄二十五年鄭子產曰昔虞闕父為周陶正以服事我先王

我先王賴其利器用與其神明之後也庸以元女大姬配胡公  
而封諸陳以備三恪莆田夾漈鄭氏漁仲曰周武王克商而封  
夏之後於杞商之後於宋皆公爵封舜之後于陳侯爵以備三  
恪恪者恭也義取王之所恭禮也三山梅溪林氏唐翁曰其禮  
轉隆示敬而已故謂之恪

媯本作瀉因水得名炎帝柱所都之蒲阪今之河東有瀉水  
逕首山下復有一水曰汭瀉南汭北注于河有舜帝廟潘城  
饒汭皆有媯名泗水有媯亭長沙有媯水皆有舜祠柱炎帝  
名

衡門

阿塾堂宇

爾雅門側之堂謂之塾韓詩曰屋雷為宇陸元朗曰屋四垂為  
宇阿隈也曲也夾門堂為塾故云阿塾宇簷下也

株林

夏徵舒

春秋宣公十年夏五月癸巳陳夏徵舒弑其君平國十有一年冬十月楚人殺陳夏徵舒左傳楚子為陳夏氏亂故伐陳謂陳人無動將討於少西氏遂入陳殺夏徵舒轅諸栗門平國陳靈公名楚子楚莊王少西夏氏祖轅胡慣切音患車裂之而死曰轅

檜

檜亦作鄩國在高辛氏火正祝融之墟祝融重黎也重黎之弟吳回生陸終陸終生子六人其四曰檜人檜又與會同宋衷世本作會人即檜之祖釋文曰王子雍云周武王封祝融之後濟洛河潁之間為檜子為鄭武公所滅

素冠

縞冠素紕

記玉藻曰縞冠素紕既祥之冠也注曰紕緣也音脾讀如埤益

之埤緣去聲既祥之冠已祥祭而服之也祥祭大祥喪畢之祭喪事縱縱

記檀弓喪事欲其縱縱爾注云縱音總趨事貌

子騫子夏

毛傳之言與禮記異同

檀弓子夏既除喪而見也音孔子予之琴和之而不和彈之而不

成聲作而曰哀未忘也先生制禮而弗敢過也子張既除喪而

見予之琴和之而和彈之而成聲作而曰先生制禮不敢不至

焉予與音同義同不圖和字平去二音

曹

曹叔振鐸所封之國地夾魯衛之間濟陰定陶皆其地昔堯遊成陽死而葬焉舜漁雷澤民俗始化遺風重厚多君子

蜉蝣

掘閱

慈溪黃氏日鈔曰說謂掘地而出升騰游翔王雪山云管子曰掘闔得玉恐當時常談如此掘闔挑撥貌雪山王氏質在晦菴前去小序以說詩其書名曰毛詩摠聞夾漈鄭氏亦去序言詩

候人

緼芾赤芾帶

記玉藻曰一命緼韍幽衡再命赤韍幽衡三命赤韍葱衡緼音溫幽音酉注云此立冕爵弁服之韠尊祭服異其名耳韍之爲言亦蔽也緼赤黃之閒色所謂韎也韎音昧衡佩玉之衡也幽讀爲黝黑謂之黝青謂之葱周禮公侯伯之卿三命其大夫再命其士一命子男之卿再命其大夫一命其士不命芾韠也與韍同其色赤先儒云祭服謂之韠冕服謂之芾天子山龍以下有等鄭康成曰芾大古蔽膝之象也冕服謂之芾其他服謂之韠以韋爲之其制上廣一尺下廣二尺長三尺其頸五寸肩革帶博二寸

晉文入曹

左僖二十八年二月晉侯圍曹三月入曹數之以不用僖負羈而乘軒者三百人也數上聲僖二十三年晉公子重耳及曹曹共公聞其駢脅欲觀其裸浴薄而觀之僖負羈之妻曰吾觀晉公子之從者皆足以相國若以相夫子必反其國反其國必得志於諸侯得志於諸侯而誅無禮曹其首也子盍蚤自貳焉乃饋盤飧寘璧焉公子受飧反璧薄音箔近也

鳴鳩

和順積中而英華發外

樂記和順英華

書云四人騏弁

顧命四人騏弁騏青驪色

下泉

京師

詩傳旁通四  
公羊傳桓九年紀季姜歸于京師京師者何天子之居也京者何大也師者何眾也天子之居必以眾大之辭言之大雅公劉京師之野

詩傳旁通卷四

詩傳旁通卷五

國風

豳

豳國名

豳邠同本山谷之名因以爲國號鄭康成詩譜曰豳者后稷之曾孫曰公劉者自邠而出所徙戎狄之地名今屬右扶風栒邑栒音荀栒邑有豳鄉公劉以夏后太康時失其官守竄於此地猶修后稷之業勤恤愛民民咸歸之而國成焉其封域在禹貢雍州岐山之北原隰之野至商之世太王又避戎狄之難而入處於岐之陽徐廣史記注曰新平漆縣東北有豳亭樂史寰宇記曰邠之三水東北二十五里栒原上有古栒城周鼎銘曰王命尸官此栒邑郡縣志云安定縣界有三水故城文王之後有邠國與栒異

邠



復詳之夏氏之書記帝王之世云帝俊生稷稷生台蠶台蠶生叔均叔均爲田祖夫帝俊者帝嚳之名而台卽邵也后稷封邵故其後有台蠶有叔均既有台蠶叔均則知稷之後世多矣不啻不得爲稷子明矣

泄阼

史記文王世子成王幼不能泄阼周公相踐阼而治注曰泄視也不能視阼階行人君之事踐履也代成王履阼階攝王位以治天下也

周公詩爲幽風

鄭康成詩箋成王之時周公居東思公劉居幽憂念民事至苦之功以此序己志故別其詩爲幽國變風焉董氏曰先儒以七月爲周公居東而作考其詩則陳后稷公劉所以治其國者方風諭而成其德故是未居東時也范處義詩補傳曰公劉入於雅七月不入雅何也雅所言王者之事也七月之詩以周公之

故屈居於風也

爲周公而作者附

劉氏曰幽實周公詩爾周者畿內國也畿內諸侯上繫於王不得國別風也何不編於魯魯者伯禽封耳周公不知魯也周公作詩意在於幽而爲周公而作之詩無所可繫故因謂之幽也

七月

夏正之歲

夏正

商正

周正

南軒張氏敬夫曰七月之詩皆以夏正爲斷

夏正之歲斗柄指寅之月爲歲首也夏正建寅謂之人統人生於寅

黃實夫曰或謂周公周臣言夏正不順余謂后稷居邵至公劉居幽正夏之時也當夏時而言夏正其說明矣  
商正建丑斗柄指丑之月爲歲首謂之地統地關於丑此詩所謂二之日而傳謂二陽之月也

周正建子斗柄指子之月為歲首謂之天統天開於子此詩所謂一之日而傳謂一陽之月也子丑寅之異建雖有夏商周之分然以尚書三正之說觀之古蓋已有之矣說見下文

瞽矇 世奠繫 周禮春官瞽矇 古蒙 掌播鼗 桃 柷 充 敔 語 塤 喧 簫管絃歌風誦

詩世奠 定 繫 戶 計 切 鼓琴瑟掌九德六詩之歌以役太師鄭康成

注曰諷誦詩謂闇 暗 讀之不依詠也鄭司農云無目眈 直 忍 切 謂

之瞽有目眈而無見謂之矇有目無眸子謂之瞍 叟

眈目童子也童瞳通

世奠繫繫謂帝繫諸侯卿大夫世本之屬也瞽矇誦世系勸戒人君焉

隋釜

隋音妥圓而長也字亦作擘爾雅注擘狹長也釜邱容切音芎斧穿也謂斧空受柄之處

曲薄

月令季春具曲植籩筐植音值鄭康成曰曲薄也植槌也薄用菹葦為之以為蠶用菹音完葦昭曰北方謂薄為曲史記周勃世家勃以織曲薄為生司馬貞云以織蠶薄為生業許慎注淮南子云曲葦薄也郭璞注方言云植懸曲柱也

萋

毛氏傳曰萋草也鄭氏箋曰夏小正四月王萑莠萋其是乎孔氏疏曰夏小正者大戴禮之篇名萋之為草書傳無文言萋其是乎為疑之辭也曹氏曰萋遠志也劉向說萋味苦謂之苦萋本草遠志一名棘苑一名澆萋澆萋一作萋繞一名細草一名小草七月采根陰乾嚴坦叔曰萋毛傳不指為何草鄭箋疑為王萑陸璣亦無明說惟曹氏以為遠志證據甚明

同

二之日其同鄭康成曰其同者君臣及民因習兵俱出田所謂

竭作以狩也

三正

夏書甘誓曰有扈氏威侮五行怠棄三正蔡仲默曰三正子丑寅之正也三正迭建其來久矣舜協時月正日亦所以一正朔也子丑之建唐虞之前當已有之

朱子答潘時舉曰周歷夏商其未有天下之時固用夏商之正朔然其國僻遠無純臣之義又自有私記其月者故三正皆兼用之

用民歲三日

周禮地官均人凡均力政以歲上下豐年則公旬用三日焉中年則公旬用二日焉無年則公旬用一日焉禮記王制用民之力歲不過三日鄭氏注云治宮室城郭道途

重穆

先種後熟曰重後種先熟曰穆孔氏詩正義曰後熟者先種之

先熟者後種之故天官內宰鄭司農云先種後熟謂之重後種先熟謂之穆相傳為然無正文也閩宮種稗傳云先種曰植後種曰稗是重穆植稗四者皆生熟早晚之異稱非穀名也

正歲

天官注曰正歲謂夏之正月得四時之正以出教令者審故也

斬冰

天官凌人掌冰正歲十有二月令斬冰三其凌凌去聲正歲季冬火星中大寒冰方盛之時春秋傳所謂火星中而寒暑退也凌冰室也三其凌者三之以為消釋之度也

獻羔

祭司寒也祭寒而開冰鄭氏禮注

藏冰發冰

左氏昭公四年春正月大雨雹雨于季武子問於申豐曰雹可禦乎對曰聖人在上無雹雖有不為災古者日在北陸肘二而

藏冰西陸三月朝覲而出之其藏之也深山窮谷固陰沍五寒于  
 是乎取之其出之也朝之祿位賓食喪祭於是乎用之其藏之  
 也黑牡秬黍以享司寒其出之也桃弧棘矢以除其災其出入  
 也時食肉之祿冰皆與焉大夫命婦喪浴用冰祭寒而藏之獻  
 羔而啟之公始用之火出而畢賦三月自命夫命婦至于老疾  
 無不受冰山人取之縣人傳之山人虞官與人納之隸人藏之  
 夫冰以風壯而以風出其藏之也周其用之也徧則冬無愆陽  
 夏無伏陰春無淒風秋無苦雨雷出不震無苗霜雹癘疾不降  
 民無天札大疫今藏川池之冰棄而不用風不越而殺雷不發  
 而震雹之為苗誰能禦之七月之卒章藏冰之道也苗災

尊兩壺房戶間

儀禮鄉飲酒篇曰乃席賓主人介眾賓之席皆不屬焉  
 尊兩壺于房戶間斯禁有玄酒在西設篚于禁南  
 東肆加二勺于兩壺設西蘇于阼階東南南北以堂深

逆暑迎寒

王氏

去聲東西當東榮水在洗東篚在洗西南肆

周禮籥章注吹籥章以為詩篇春官宗伯之屬掌土鼓豳籥杜  
 子春云土鼓以瓦為匡以革為面而可以擊也鄭司農云豳籥  
 豳國之地竹豳詩亦如之言以豳地之竹為籥也鄭玄云豳籥  
 豳人吹籥之聲豳詩豳風七月也逆暑以晝求諸陽迎寒以夜  
 求諸陰鄭康成吹籥謂豳人之聲與司農異鄭司農鄭眾也鄭  
 玄字康成

王氏集傳所引王氏曰蓋荆公王介甫及子雱元澤父子之  
 說也

鴟鴞

管蔡武庚

書金縢武王既喪管叔及其羣弟乃流言於國曰公將不利於  
 孺子周公乃告二公召公曰我之弗辟避我無以告我先王周

公居東二年則罪人斯得於後公乃為詩以貽王名之曰鴟鴞  
史記成王少周初定天下周公恐諸侯畔乃攝行政當國管叔  
蔡叔羣弟疑周公與武庚作亂畔周周公奉成王命伐誅武庚  
管叔放蔡叔左傳云蔡蔡叔上蔡字音撒蔡者放也

東山

行陳

郭忠恕佩觿集曰軍陳為陣始於王羲之羅泌路史陳國名記  
曰古字只作陣隸繆為陳車列阜傍所以為陣轉為平聲古無  
從東之陳後世傳家繆車為東世不之知反以陳為正陣為俗  
今難頓革郭羅二說不同郭說近是

枚如箸

秋官銜枚氏軍旅田役令銜枚注曰銜枚止言語囂謹也枚狀  
如箸橫銜之為之繡結於項中箸直慮切繡音畫戶卦切又胡  
麥切繩也

穴處先知

五際

詩緯

七緯

漢翼奉奏元帝封事曰臣竊學齊詩聞五際之要十月之交篇  
知日食地震之效昭然可明猶巢居知風穴處知雨亦不足多  
適所習耳

五際鄭康成六藝論引汎歷樞云午亥之際為革命卯酉為  
改正辰在天門出入候聽卯天保也酉祈父也午采芑也亥  
大明也亥為革命一際也辰為天門出入候聽二際也卯為  
陰陽交際三際也午為陽謝陰興四際也酉為陰盛陽微五  
際也其詩含此五際此見漢書翼奉傳孟康曰詩內傳五際  
卯酉午戌亥也陰陽始終際會之歲於此則有變改之政也  
五際所以推得失考天心言王道之安危

詩緯凡書有經有緯詩之緯書有三曰汎歷樞曰推度災曰  
含神霧詩緯之外并纂他說

鄭康成注三禮引易說書說樂說春秋說禮家說者經說皆

緯候也河洛七緯合爲八十一篇河圖九篇洛書六篇又別  
有三十篇七經緯三十篇 易緯 稽覽圖乾鑿度坤靈圖  
通卦驗是類謀辨終備 書緯 璇璣鈴考靈曜刑德放帝  
命驗運期授 詩緯 推度災汎厯樞含神霧 禮緯 含  
文嘉稽命徵斗威儀 樂緯 動聲儀稽耀嘉叶圖徵 孝  
經緯 援神契鈞命決 春秋緯 演孔圖元命包文耀鈞  
運斗樞感情符合誠圖考異郵保乾圖漢含孽佑助期握誠  
圖潛譚巴語題辭 論語緯 摘輔象 尚書中候論語讖  
在七緯之外王伯厚曰李尋有五經六緯之言蓋起於哀平  
至光武篤信之諸儒習爲內學隋焚其書今惟易緯存焉正  
義多引讖緯歐陽公欲取九經之疏刪去讖緯之文使學者  
不爲怪異之言惑亂然後經之文義純一而其言不果行按  
緯書如漢夏賀良所作者多隋雖焚其書然後世亦有存者

敦

有敦瓜苦之敦集傳與敦彼獨宿同音都迴切古注有敦音徒  
丹切毛傳敦猶專專也專音徒端切今朱子不解有敦之義想  
以爲與敦彼獨宿之敦同其音義云

施衿結帨

儀禮士昏禮父送女命之曰戒之敬之夙夜毋違母命施衿結  
帨曰勉之勉之夙夜毋違宮事爾雅曰婦人之褱謂之縹縹綏  
也孫炎曰褱帨巾也陸德明曰衿佩帶也衿其鳴切帨音稅褱  
許韋切綏音縹

破斧

象

象舜之異母弟也封之之事見孟子

九戩

九囊之網

爾雅釋器曰縶罟謂之九戩九戩魚罔也郭景純曰今之百囊

特專考通五

吾是亦謂之鼯今江東呼爲纒孫炎曰魚之所入有九囊也或曰纒吾小魚網也纒子弄切又子公切鼯落槌切  
衮衣裳九章

山龍華蟲火宗彝五章畫於衣以象陽藻粉米黼黻四章繡於裳以象陰尚書益稷篇注曰舜十二章周九章周以日月星辰畫於旂故衣裳九章登龍於山登火于宗彝華蟲雉也宗彝虎雉也雉也雉三音龍取其變山取其鎮雉取其文火取其明虎取其孝藻取其潔粉米白米取其養黼取其斷黻取其辨虎鼻露向上雨則自挂於木以尾塞鼻或以兩指江東人亦取養之爲物捷健郭景純江賦云迅雉臨虛以騁巧是也周禮注雉禹屬叩鼻而長尾禹音牛具切叩音昂羅端良曰古者有雉彝畫雉於彝謂之宗彝又施之象服夫服器必取象於此等者非特以其智而已蓋皆有所表焉夫八卦六子之中日月星辰

所以象指者也雲雷風雨難以象指者也故畫龍以表雲畫雉以表雷畫虎以表風畫雉以表雨凡此皆形著於此而義表於彼非爲是物也端良名願號存齊欵人著爾雅翼三十二卷

龍首卷然

三公一命卷王制文也天子卷冕卷古本切卷衮同音鄭氏曰卷俗讀也其通則曰衮

狼跋

安土樂天

記哀公問孔子遂言曰古之爲政愛人爲大不能愛人不能有其身不能有其身不能安土不能樂天不能樂天不能成其身

神龍醢而食之

左昭二十九年秋龍見於絳郊魏獻子魏舒問於蔡墨曰吾聞之蟲莫智於龍以其不生得也謂之智信乎對曰人實不智非

龍實智古者畜龍故國有豢龍氏有御龍氏獻子曰是二氏者  
吾亦聞之而不知其故是何謂也對曰昔有颺叔安有裔子曰  
董父實甚好龍能求其耆欲而飲食之龍多歸之乃擾畜龍以  
服事帝舜帝賜之姓曰董氏曰豢龍封諸鬻夷氏其後也  
故帝舜氏世有畜龍及有夏孔甲擾于有帝帝賜之乘龍河漢  
各二各有雌雄孔甲不能食而未獲豢龍氏有陶唐氏既衰其  
後有劉累學擾龍于豢龍氏以事孔甲能飲食之夏后嘉之賜  
氏曰御龍以更豕韋之後龍一雌死潛醢以食夏后夏后饗之  
既而使求之懼而遷于魯縣范氏其後也龍見之見音現豢音  
患養也颺音澗好耆飲食並去聲醢音宗更音庚代也醢音海

幽國七篇

文中子

王通字仲淹隋人講道河汾門人諡爲文中子

田祖田峻

周禮籥章注祈天祈豐年也田祖始耕田者謂神農也幽雅亦  
七月也七月又有于耜舉趾饁彼南畝之事是亦歌其類謂之  
雅者以言其男女之正也鄭司農云田峻古之先教田者爾雅  
云峻田夫也 宋衷注世本云肱作服牛徐堅初學記云肱能  
駕牛肱音古才切黃帝之臣也山海經云稷後曰叔均始作牛  
耕羅長源曰夏氏之書記帝王之世云帝俊生稷稷生台鬻台  
鬻生叔均叔均爲田祖帝俊卽帝嚳也

祭蜡息老物

先嗇司嗇

籥章注故書蜡爲蠶杜子春云蠶當爲蜡故書者杜子春云周  
禮所引也郊特牲曰天子大蜡八伊耆氏始爲蜡歲十二月合  
聚萬物而索饗之也蜡之祭也主先嗇而祭司嗇也黃衣黃冠  
而祭息田夫也既蜡而收民息已鄭康成曰立謂十二月建亥  
之月也建亥舉求萬物而祭之者萬物助天成歲事至此爲其  
老而勞周正乃祀而息之於是國亦養老焉月令孟冬勞去農以

休息之是也。幽頌亦七月也。七月又有穫稻作酒躋彼公堂稱彼兕觥萬壽無疆之事是亦歌其類也。謂之頌者以其言歲終人功之成也。八蜡先嗇也。司嗇也。農也。郵表畷也。貓虎也。坊也。水庸也。昆蟲也。種牽萬民蜡戲于國中以報其歲之成。

先嗇司嗇神農祭司嗇山林川澤神祇在位而主先嗇路史曰先嗇司嗇所謂田畝神苗稼神者說者以神農爲先嗇后稷爲司嗇蓋後世說也。豈有神農始蜡而自祭其身哉。皇氏云神農伊耆一代總號其子孫有天下者始爲蜡祭其先祖造田者故籥章注以神農爲田祖造田者謂之田祖先爲嗇事謂之先嗇其農業謂之神農禮書以先農爲卽先嗇陸佃以先嗇爲田祖司嗇爲田畷據樂章樂田祖樂田畷也。

鄭氏三分七月詩

慈溪黃氏日鈔曰鄭氏以殆及公子同歸以上爲幽風以以介

眉壽以上爲幽雅以萬壽無疆以上爲幽頌周禮籥章逆暑迎寒歛幽詩祈年于田祖歛幽雅祭蜡則歛幽頌故鄭氏之分如此歛與吹同王雪山謂一詩如何分爲三籥章所謂幽詩以鼓鐘琴瑟四器之聲合籥也禮笙師歛竽笙塤籥簫篪箎管春牘應雅凡十二器以雅器之聲合籥也禮眠瞭播鼗擊頌磬笙磬凡四器以頌磬之聲合籥也頌與容同古容字作頌字凡爲樂器以十有二律爲之數度以十有二聲爲之齊劑量亮凡和樂亦如之故逆暑迎寒祈年祭蜡皆全用七月之詩特以氣和聲有不同耳至晦菴則有三說一說幽詩吹之其調可風可雅可頌一說楚茨諸詩是幽之雅噫嘻諸詩是幽之頌王介甫謂幽自有雅頌今皆亡矣震按楚茨諸詩序以爲刺幽王之詩噫噫諸詩序以爲成周郊社之詩未易遽指爲幽若如介甫謂幽詩別自有雅頌則幽乃先公方自奮於戎狄之地此時安得有所謂天子之雅頌耶惟前一說謂吹幽詩之聲可雅可頌者爲得

之而其詳則雪山之考詳矣

慈溪黃震東發晦菴門人之門人有讀書日鈔東發云世有詩傳折衷一書後取小序為說乃後人偽作晦菴名非真晦菴書也并識于此

國風補

周南卷耳爾雅注引此作盱爾雅釋詁篇恙寫惺盱繇慘恤罹憂也郭璞注云詩曰悠悠我惺云何盱矣繇役亦為憂愁也衛淇奧首章爾雅釋訓篇如切如磋道學也如琢如磨自修也瑟兮僖兮恂慄也赫兮烜兮威儀也有斐君子終不可諼兮道盛德至善民之不能忘也郭璞注恂慄恆戰悚芄蘭朱極三士喪禮曰續極二注云極猶放絃也以沓指放絃令不挈也生者以朱韋為之而三死者用續為之而二明不用也大射禮曰朱極三注云以朱韋為之彊沓食將無名三指也詩傳旁通卷五

詩傳旁通卷六

小雅

鹿鳴之什

受釐

釐與禧同福也漢文帝受釐宣室殿漢儀注曰祭天地二時皇帝不自行祠還致福釐受釐者受所祭之福也

鹿鳴

於旅也語

禮記鄉射義古者於旅也語鄭氏注曰禮成樂備乃可言語

私惠不歸德

禮記緇衣子曰私惠不歸德君子不自留焉鄭氏注曰私惠謂不以公禮相慶賀時以小物相問遺也言其物不可以為德則君子不以身留此人也相惠以褻音瀆邪僻之物是謂不歸於德

燕禮鄉飲酒禮

儀禮燕禮篇曰工歌鹿鳴四牡皇皇者華句卒歌句主人洗升  
獻工句工不興句左瑟一人拜受爵句主人西階上拜送爵  
鄉飲酒禮篇曰樂正先洗句立于西階東句工入句升自西階  
句北面坐句相者東面坐句遂授瑟句乃降句工歌鹿鳴四牡  
皇皇者華句遂卒歌句主人獻工句工左瑟一人不拜句不興  
爵句主人阼階上拜送爵

宵雅肆三

宵小也禮記樂記曰大學始教皮弁祭菜示敬道也宵雅肆三  
官其始也鄭氏注曰當祭菜之時使歌小雅中鹿鳴四牡皇皇  
者華之三篇而肄習之此三詩皆君臣燕樂相勞苦之辭蓋以  
居官受任之美誘喻其初志故曰官其始也

四牡

靡盬

鹽亦鹽也出於池者為鹽凡鹽之出於海與井者皆須煎煮而  
成亦經久難壞出於河東之解池者不須煎水注鹽池自結成  
鹽不經久而易壞故訓不堅固者為鹽也古者蚩尤之封域有  
鹽池之利今河東路解州之池是也池方百二十里鹵色正赤  
俗呼解池為蚩尤血池中有一甘泉得之則鹵乃成泉北一水  
曰巫咸河其水入池則鹵不復結

傳曰

凡詩之傳注毛氏謂之傳鄭氏則謂之箋此云傳曰者雜引康  
成之箋而總謂之傳耳不以家事辭王事見公羊哀公三年傳  
夫不

夫不亦作鳩鴉上方扶切下方浮切音並同

杞枸櫞

杞有杞柳之杞有枸櫞之杞枸音苟櫞音計鄭風將仲子無折  
我樹杞朱傳曰杞柳屬也生水旁樹如柳葉麤而白色理微赤

小雅四牡此篇集于苞杞朱傳曰杞枸櫞爾雅釋木之文也邢  
昺爾雅疏曰杞一名枸櫞郭璞云今枸杞也陸璣云一名苦杞  
一名地骨春生子秋熟正赤莖葉及子服之輕身益氣本草一  
名仙人杖一名西王母杖根爲地骨莖幹三五尺作叢按朱子  
集傳將仲子樹杞湛露杞棘皆杞柳也此篇苞杞杖杜采杞四  
月杞棧南山有臺之有杞皆枸櫞也南山傳云杞樹如樗

樗樗散不材之木惟供爲薪爾雅於栲曰山樗郭璞注曰栲  
似樗色小白生山中因名山樗亦類漆樹故俗語曰樗樗栲  
漆相似如一陸璣草木疏曰山樗與下田樗略無異葉似差  
狹耳樗亦作櫟之類而柞械栩櫟四者皆橡櫟之通名惟樗  
惡木也山與下田未知何別秦風終南有條有梅條山楸也  
陸璣亦云今山楸亦如下田楸耳

序言勞使臣春秋傳亦云

左襄四年穆叔如晉報知武子之聘也晉侯享之金奏肆夏之

三不拜工歌文王之三又不拜歌鹿鳴之三三拜韓獻子使行  
人子員問之曰子以君命辱於敝邑先君之禮藉之以樂以辱  
吾子吾子舍其大而重拜其細敢問何禮也對曰三夏天子所  
以享元侯也使臣弗敢與聞文王兩君相見之樂也臣不與及  
鹿鳴君所以嘉寡君也敢不拜嘉四牡君所以勞使臣也敢不  
重拜皇皇者華君教使臣曰必諮於周臣聞之訪問於善爲咨  
咨親爲詢咨禮爲度咨事爲諏咨難爲謀臣獲五善敢不重拜  
與國語相表裏穆叔魯叔孫豹武子晉知罃獻子晉韓厥  
外傳章使臣

國語謂之春秋外傳魯語曰叔孫穆子聘於晉晉悼公饗之樂  
及鹿鳴之三而後拜晉侯使行人問焉對曰伶簫詠歌及鹿鳴  
之三君之所以貺使臣臣敢不拜貺夫鹿鳴君所以嘉先君之  
好也敢不拜嘉四牡君所以章使臣之勤也敢不拜章皇皇者  
華君教使臣曰每懷靡及諏謀度詢必咨於周敢不拜教臣聞

之和韋昭曰為每懷咨才為諏咨事為謀咨義為度咨親為詢  
忠信為周君貺使臣以大禮重之以六德敢不重拜

皇皇者華

調忍

陰儀禮

調忍之忍去聲音認

陰爾雅釋畜陰白雜毛曰駟郭注陰淺墨色今之泥驄

儀禮亦見鹿鳴言燕禮鄉飲酒禮皆見鹿鳴篇

常棣

唐棣

常棣棣也唐棣移也郭璞爾雅注曰今關西有棣樹子如櫻桃  
可食舍人曰常棣一名棣陸璣曰許慎云白棣如李而小如櫻  
桃正白今官園種之又有赤棣樹亦似白棣葉如刺榆而微圓  
子正赤如郁李而小五月始熟關西天水隴西多有之陸農師  
曰常棣如李而小子如櫻桃正白華萼上承下覆甚相親爾采

薇彼爾維何維常之華朱子曰爾華盛貌可以見常棣之華盛  
移音移爾雅注舍人曰唐棣一名移郭璞曰今白移也似白  
楊江東呼夫移陸璣草木疏曰奧李也奧音郁一名雀梅亦曰  
車下李所在山皆有其花或白或赤六月中熟大如李可食崔  
豹古今注曰一名移梅又曰移柳又曰蒲移羅端良爾雅翼曰  
移皮焚為灰置酒中令味正經時不敗而枳椇木為屋柱則屋  
中酒味皆薄物之相反有如此者常棣唐棣二木不同無可疑  
者而或有誤音常為棠音者故并纂之

富辰

左傳僖公二十四年富辰曰昔周公弔二叔之不咸故封建親  
戚以藩屏周召穆公思周德之不類故糾合宗族于成周而作  
詩如是兄弟雖有小忿不廢懿親富辰周大夫富畿內邑名辰  
之采邑召穆公名虎周厲王時卿士三山梅溪林氏唐翁曰常  
棣詩乃周公閔管蔡失道而作今富辰以為召穆公所作者蓋

樂章久廢召穆公始作周公樂歌也

伐木

邪許

淮南子道應訓曰惠子為魏惠王為如國法翟翦曰今夫舉大

木者前呼邪許後亦應之此舉重勸力之歌也豈無鄭衛激楚

之音哉治國有禮不在文辨與謗邪謗附見謗羽俱切呂

氏春秋審應覽曰惠子為魏惠王為法為法已成以示諸民人

民人皆善之獻之惠王惠王善之以示翟翦翟翦曰善也惠王

曰可行耶翟翦曰不可惠王曰善而不可行何故翟翦對曰今

舉大木者前呼與謗後亦應之此其於舉大木者善矣豈無鄭

衛之音哉然不若此其宜也夫國亦木之大者也高誘注曰與

謗或作邪謗前人倡後人和舉重勸力之歌聲也

縮酌用茅

禮記郊特牲縮酌用茅明酌也鄭氏注曰謂泝醴齊以明酌也

周禮曰醴齊縮酌五齊醴尤濁和之以明酌泝之以縮茅去滓也明酌者事酒之上也名曰明者事酒今之醴酒皆新成也春秋傳曰爾貢包茅不入王祭不共無以縮酒酌酒斟也酒已泝則斟之以實尊彝泝音子禮切齊音劑泝壯士切共音恭

諸父諸舅

乾餼

毛傳曰天子謂同姓諸侯諸侯謂同姓大夫皆曰父異姓則稱

舅國君友其賢臣大夫士及其宗族之仁者

乾餼餼食也食之乾者

天保

爾指君

除

歐陽文忠公詩本義曰詩人爾其君者蓋稱天以為言耳

除吳伯豐問何福不除朱子曰如除戎器之除易萃卦大象

君子以除戎器程子傳除謂簡治也朱子本義除者修而聚

之新安胡廷芳曰按此錄雖不同集傳而義為勝

昭受上帝

書益稷文蔡氏傳曰以是昭受于天天豈不重命而用休美乎宗廟之祭

周禮春官大宗伯以祠春享先王以禴夏享先王以嘗秋享先王以烝冬享先王公羊春秋桓八年傳春曰祠夏曰禴秋曰嘗冬曰烝禮記王制篇曰天子諸侯宗廟之祭春曰禴夏曰禘秋曰嘗冬曰烝鄭氏注曰此蓋夏殷之祭名周則改之春曰祠夏曰禴以禘爲殷祭詩小雅禴祠烝嘗于公先王此周祭宗廟之名也禴與禴同並音藥薄也說者曰夏物未成其祭尙薄也尙薄者以薄爲尙也或曰新菜可灼也嘗謂嘗新穀烝謂進品物烝之爲言進也說祠者曰物品少而文詞多之謂祠

公叔祖類

史記索隱曰世本云太公組紺諸蓋三代世表稱叔類凡四名皇甫謐云公祖一名組紺諸蓋字叔類號曰太公也羅氏路史

曰祖類卽公叔組紺世表云叔類而古今人表曰公祖是爲祖戾亦曰公叔祖類祖紺也鄭玄云先公祖紺以上詩小戎圖乃云高圉侯亞圉侯又以公叔祖類諸蓋爲三人繆矣

后稷至公叔祖類

金氏通鑑前編曰按世本自不窋鞠公劉至季歷已十七世史記拘於十五王文始平之之數遂謂后稷之子爲不窋曾孫爲公劉前旣缺代又自公劉已後缺四世不書皇甫氏不得其說遂以四世爲字而組紺又自有四名獨索隱覺其非而不明辨路史已明辨而不斷十五王之說今按公劉之世云周道之興自此而始京師之名亦始此國語十五王之說自公劉數至文王爾然又安知非祖功宗德之云周世世修德者賢聖之君十五作而至文王乎 羅氏路史發揮曰禹爲夏契之後爲商而稷之後爲周夏十七世商三十世蓋四十有七世而下有周文王禹及稷契皆當唐堯之時稽之史載契十四世而至成湯厥

次僅是然其敘棄后稷十五世而至文王中間乃闕夏商二代所較者三十餘世疏脫甚矣夫繇堯舜至周文王千一百有餘載而其世止十五豈人情也哉嘗竊考之信書不啻實非后稷之子而公劉乃商世之諸侯蓋當商家十葉之間故左氏云文武不先不啻而外傳乃謂夏氏之衰不啻始失官守婁敬亦言周自后稷封邰積德累善十有餘世而公劉避桀是公劉之去后稷已十餘世還當君桀之時蓋所謂夏之衰尤不當出乎履癸之前然而說者每謂太康之世曷不諦之如是耶匈奴傳云夏道衰公劉失其稷官變于西戎顏師古以爲稷之曾孫而鄭康成謂與太康並世妄矣傳云太王亶父去公劉三百餘歲則其去文王纔四百年蓋當仲丁外壬之時云爰復詳之夏氏之書記帝王之世云帝俊生稷稷生台台生叔均叔均爲田祖夫帝俊者帝嚳之名而台卽邰也后稷封邰故其後有台鬲有叔均既有台鬲叔均則知稷之後世多矣不啻不得爲稷子

明矣第恨其間世次久遠有不得盡見者雖然單穆公言后稷勤周十五世而興是則世本史記所爲信者夫亦知夫所謂興者有非文王而不正爲公劉也耶卽稽世本不啻而下至於季歷猶一十有七世矣一十五世而遽得而盡之哉甚矣系牒之難理也羅長源周世系攷之說如此今分紀於周南后稷十三世孫古公亶甫及豳之不啻及此合而觀之可也

### 尸傳神意

儀禮少牢饋食禮之篇祝酌授尸以嘏于主人曰皇尸命工祝承致多福無疆于汝孝孫來汝孝孫使汝受祿于天宜稼于田眉壽萬年勿替引之此所謂尸傳神意以嘏主人之辭也嘏福也主人主祭之人也古者祭祀必有尸尸主也筮擇一人使坐以象神謂之尸若始死之難奠及祭殤擇奠則無尸

### 文王時未曰先王

禮記大傳所謂武王追王太王王季文王不以卑臨尊也太王

初曰古公王季初曰公季文王亦止曰西伯耳

史記秦皇帝更名民曰黔首黔黑也謂其黑頭無知也禮記祭義曰明命鬼神以為黔首則按古無黔首之稱而云為黔首則此漢儒竄入之說無疑非禮記舊文黔音鉗其廉切

采薇

敵愾

防秋 腓

愾口漑切音慨怒也即甯武子所謂敵王所愾者

防秋秋高馬肥軍卒戍邊謂之防秋

腓咸六二咸其腓程子曰腓足肚行則先動

魚

魚獸名陸璣疏曰魚獸似豬東海有之其皮背上斑文腹下純青今以為弓韃步又者也其皮雖乾燥為弓韃矢服經年海水潮及天將雨其毛皆起水潮還及天晴則毛復如故雖在數千

里外可以知海外之潮自然相感也

日人栗切

豈不日戒古注本日作日音越言也又人栗切

出車

郊牧

國外百里為郊五十里為近郊百里為遠郊郊在牧內爾雅邑外謂之郊郊外謂之牧 邑國都也

旗旒

春官司常掌九旗之物名各有屬以待國事日月為常交龍為旂通帛為旛雜白為物熊虎為旗鳥隼為旟龜蛇為旐全羽為旞遂析羽為旒

注旒

注旒於旗干之首謂注旒牛之尾於旗干之首也夾溲鄭氏漁仲曰爾雅犛牛郭璞云即旒牛髀膝及尾皆有長毛此牛角向

前毛白如雪其長毛今人用爲拂子出荆夔間獵音獵

朱雀玄武悅

曲禮曰行前朱雀而後玄武左青龍而右白虎招搖在上急繕其怒注者曰以此四獸爲軍陣象天也急猶堅也繕讀曰勁

喪禮泣涕

臨事

懷襄

老子偃武篇吉事尚左凶事尚右偏將軍居左上將軍居右言居上勢以喪禮處之殺人之眾以悲哀泣之戰勝以喪禮處之孫子九地篇令發之日士卒坐者涕霑襟偃臥者涕交頤投之無所往諸劔之勇也魏武帝曹操注孫子曰皆持必死之計也諸謂專諸劔謂曹劔

臨事而懼好謀而成黃勉齊謂行陣八字法

洪水懷山襄陵襄謂駕出其上

杖杜

匪載

賜君子

匪載匪來之載訓裝音宜作在作弋刀

繇合言方繇繇者卦兆之占辭音宙

賜君子小人不同日見禮記玉藻篇

南陔

笙詩

公是劉原父敞曰南陔以下六篇有聲無詩故云笙不云歌有

其義亡其辭非亡失之亡乃本無也夾漈鄭漁仲樵曰古者歌

鹿鳴必歌四牡皇皇者華三詩同節故曰工歌鹿鳴之三而用

南陔白華華黍三笙以贊之然後首尾相承節奏有屬夾漈又

曰古者絲竹與歌相和故有譜無辭所以六詩在三百篇中但

存名耳漢儒不知謂爲六亡詩非也

南陔爲笙詩白華爲次什之首朱子次序並依儀禮見燕禮鄉

飲酒禮篇

白華之什

華黍

魯鼓薛鼓

禮記投壺篇末有魯鼓薛鼓方圓之節嚴陵方性夫曰魯薛之鼓既異而傳之者又異是以記者兩存之

魚麗

樂畢皆閒

禮記鄉飲酒義曰工入升歌三終主人獻之笙入三終主人獻之間歌三終工告樂備遂出一人揚觶乃立司正焉知其能和樂而不流也東匯澤陳澔曰閒者代也笙與歌皆畢則堂上與堂下更代而作閒音澗古莧切

南有嘉魚

丙穴

左太沖蜀都賦嘉魚出於丙穴良木攢於褒谷李善文選注丙

穴在漢中沔陽縣北有魚穴二所常以三月取之丙地名也陸農師埤雅曰嘉魚鯉質鱗鱗肌肉甚美食乳泉出於丙穴穴口向丙故曰丙也舊言尾象篆文丙字故曰丙穴蓋爾雅魚枕謂之丁魚腸謂之乙魚尾謂之丙則魚尾皆象丙豈特嘉魚而已鱗音慈損切今人謂之赤眼鱗石湖范至能桂海虞衡志曰嘉魚狀如小鱗魚多脂味極腴美出梧州火山春末尤多彼人為鮮以餉遠蜀道丙穴出嘉魚火山之名疑與同意一說丙穴出達州明通縣井峽中穴凡十產嘉魚春社前魚出秋社歸穴達州即通川也集傳云鯉質鱗鱗肌埤雅云鯉質鱗鱗陸似近是赤眼鱗者鱗似鯉而鱗細眼赤云

籩櫟

籩字亦作籩食角切音泥櫟汕櫟也鄭康成曰櫟今之撩罟也櫟音嘲撩音聊又音料

南山有臺

臺

臺一名夫須夫音扶陸璣云夫須莎草也可以為簔笠禹治水稱畚築賦蓑蘧程土石夏時已有之春秋外傳齊語曰首戴茅蒲身衣襪襪韋昭注襪襪蓑薛音百

萊  
憶

北山有萊傳草也孔穎達以萊為草之總名非有別草名之為萊如十月之交田卒汙萊周禮萊五十畝皆非草名然詩人對南山有臺言之臺為夫須草萊亦當是草名故劉芳義疏云萊藜也陸璣疏萊草名其葉可食兗州人蒸以為茹謂之萊蒸山海經秦山有草名曰藜可以為菹藜之莖葉皆似王芻 王芻爾雅釋草萊王芻郭氏云萊蓐也今呼鴟腳莎王芻即終朝采綠之綠古人用以染黃本草謂之藎草俗中呼淡竹葉者是也憶憶材可為弓弩幹於力切音憶 蓼蕭

晉詛公子

晉獻公卒國亂左傳宣公二年初驪姬之亂詛無畜羣公子自是晉無公族

秦鍼懼選

左傳昭公元年秦后子有寵於桓如二君於景其母曰弗去懼選癸卯鍼適晉其車千乘春秋書曰秦伯之弟鍼出奔晉罪秦伯也后子見趙孟趙孟曰吾子其曷歸對曰鍼懼選於寡君是以此將待嗣君晉封鍼於裴中曰裴君 選數也恐景公數其罪而加戮鍼音鉗數上聲

條革

毛傳曰條轡也革轡首也沖沖垂飾貌孔疏曰釋器云轡首謂之革郭氏曰轡靶也然則馬轡所靶之外有餘而垂者謂之革條皮為之故云條革

和鸞

在軾曰和軾車中面前橫木可憑者在鑣曰鸞鑣馬勒傍鐵馬口兩傍者也周禮注曰和鸞皆以金爲鈴升車則馬動馬動則鸞鳴鸞鳴則和應舒則不鳴疾則失音鈴謂之鸞者象鸞鳥之音鑾鑾然

湛露

設燭 宗室路寢

儀禮燕禮曰宵則庶子執燭於阼階上司宮執燭於西階上甸人執大燭於庭閽人執大燭於門外

宗室路寢公羊傳路寢者何正寢也何休注曰公之正居也路者大也寢者居也

朝正

左氏文公四年傳衛甯武子來聘公與之宴爲賦湛露及彤弓不辭又不答賦使行人私焉對曰臣以爲肄業及之也昔諸侯朝正於王王宴樂之於是乎賦湛露則天子當陽諸侯用命也

諸侯敵王所愾而獻其功王於是乎賜之彤弓一彤矢百茲弓矢千以覺報宴今陪臣來繼舊好君辱貺之其敢干大禮以自取戾茲音盧亦作盧黑也

過三爵 德將

記玉藻曰君子之飲酒也 句受一爵而色酒如也 句二爵而言

言斯 句禮已三爵而油油 句以退 句洒如肅敬也言言和也油

油說敬也 左傳宣公二年晉侯飲趙盾酒伏甲將攻之其右提彌明知之趨登曰臣侍君宴過三爵非禮也遂扶以下晉侯靈公其右車右也

德將書酒誥文王誥教小子德將無醉

不繼以淫

左傳莊公二十二年陳公子完奔齊爲工正飲桓公酒樂公曰以火繼之辭曰臣卜其晝未卜其夜不敢君子曰酒以成禮不繼以淫義也以君成禮弗納於淫仁也

詩傳旁通卷六

詩傳旁通卷七

小雅

彤弓之什

彤弓

大飲賓曰饗

晉郤至謂楚子反曰諸侯間於天子之事則相朝也於是乎有享宴之禮享以訓恭儉宴以示慈惠恭儉以行禮而慈惠以布政間平聲謂諸侯當王事間缺之時也饗禮有四諸侯來朝則饗之王親戚及諸侯之臣來聘則饗之及饗宿衛耆老孤子也饗有體薦設几而不倚爵盈而不飲肴乾而不食立而不坐依尊卑以為之獻數畢而止孔穎達曰饗者烹太牢以飲賓

為己私分

莊子天地篇不徇一世之利以為己私分不以王天下為己處顯顯則明萬里一府死生同狀

兵賜弄臣

漢哀帝賜侍中董賢武庫禁兵執金吾毋將隆奏言武庫兵器天下公用古者方伯專征乃賜斧鉞漢家邊吏距寇賜武庫兵今便辟弄臣而以天下公用給其私門建立非宜以廣驕僭非所以示四方也毋音巫姓也便音駢辟音僻

賜鐵券

楚漢春秋高帝初封侯者皆賜丹書鐵券曰使黃河如帶泰山如礪漢有宗廟爾無絕世自漢以下功臣賜鐵券至唐而跋扈之臣賜鐵券以堅其心唐以鐵券賜河中節度使李懷光懷光怒曰人臣反賜鐵券懷光不反亦賜鐵券耶是使懷光反也已而果叛

屯膏

解體

易屯九五屯其膏象曰屯其膏施未光也程子傳曰膏澤不下及其德施未能光大也人君之屯也

解體成公八年左氏傳季文子曰四方諸侯其誰不解體解體謂有離叛心

印刑不予

史記韓信曰項王見人恭敬慈愛言語嘔嘔音吁人有疾病涕泣分食飲至使人有功當封爵者印刑弊忍不能予此所謂婦人之仁也酈生日項王非項氏莫得用事為去人刻印刑而不能授刑音五官切謂刑斷無復廉鐸也

彤弓旅弓

賜弓矢

書文侯之命彤弓一彤矢百盧弓一盧矢百盧旅通黑也左傳僖公二十八年晉文公敗楚於城濮獻功於王王饗醴命晉侯宥賜彤弓一彤矢百旅弓矢千敵王所愾見文公四年孔穎達曰此詩獨言彤弓者以二文皆先彤後旅舉重可包輕故直言彤弓

賜弓矢禮記王制諸侯賜弓矢然後征

九伐之法

周禮夏官司馬以九伐之法正邦國馮弱犯寡則眚之馮音憑告所景切賊賢害民則伐之暴內陵外則壇之壇音善野荒民散則削之負固不服則侵之賊殺其親則正之放弑其君則殘之犯令陵政則杜之外內亂鳥獸行則滅之行下孟切注曰青瘦也謂四面削其地也伐有鐘鼓曰伐壇謂置之空壇之地別立其次賢者削謂削其地侵謂師加其境而已正謂執而正其罪殘謂殺之也杜謂杜塞使不得與鄰國交通滅誅滅去之也

拜表輒行

東晉穆帝永和二年十一月都督荆梁等州軍事桓温帥師伐漢拜表即行三年三月漢主李勢降温素有不臣之志及克蜀之後遂專制朝廷李氏據成都國號漢即行即輒行言上表即出師不俟朝廷可否也  
菁菁者莪

五貝為朋

前漢書食貨志王莽居攝變漢制元龜距冉長尺二寸直二千一百六十為大貝十朋其公龜九寸直五百為壯貝十朋侯龜七寸以上直三百為幺貝十朋子龜五寸以上直百為小貝十朋是為龜寶四品大貝四寸八分以上二枚為一朋直二百一十六壯貝三寸六分以上二枚為一朋直五十幺貝二寸四分以上二枚為一朋直三十小貝寸二分以上二枚為一朋直十不盈寸二分漏度不得為朋率枚直錢三是為貝貨五品距至也冉龜甲緣去也度入背兩邊緣尺二寸也兩貝為朋 孔穎達詩疏漢書以大貝壯貝幺貝小貝不成貝為五也鄭氏因經廣解之言有五種之貝貝中以相與為朋非總五朋為一朋也

六月

先儒以此以下為變小雅

建未之月

漢斗南曰詩言四月維夏六月徂暑則爲夏正可知是建未之月也

戎車

鄭康成箋戎車革輅之等其等有五周禮春官車僕掌戎路之萃廣車之萃闕車之萃萃車之萃輕車之萃鄭康成注萃猶副也此五者皆兵車所謂五戎也戎路王在軍所乘廣車橫陳之車闕車所用補闕之車萃猶屏也萃車所用對敵自蔽隱之車輕車所用馳敵致師之車也廣古曠切光之去聲陳與陣同萃薄經切又薄田切屏井領切輕遣政切

鞮韋

鞮赤色韋熟皮左傳云衣鞮韋之跗注鞮韋戎服跗注亦戎服蓋以赤色熟皮爲戎服也鞮音暮拜切跗音敷

司馬法

司馬法仁本篇冬夏不興師所以兼愛民也

毛馬物馬

周禮夏官校人掌王馬之政凡大事祭祀朝覲會同毛馬而頒之凡軍事物馬而頒之鄭氏注毛馬齊其色也物馬齊其力也頒授當乘之

吉行師行

荀子大略篇吉行五十里奔喪百里漢文帝元年有獻千里馬者帝曰鸞旗在前屬車在後吉行日五十里師行三十里朕乘千里馬獨先安之於是還其馬與道里費而下詔曰朕不受獻也其令四方毋求來獻

焦穫

宋敏求長安志櫟陽縣焦穫澤在北亦名瓠口爾雅十藪周有焦穫郭璞曰今扶風池陽縣瓠中是也詩獫狁匪茹整居焦穫謂此也史記鄭國鑿涇水自仲山西邸瓠口爲渠水經注曰涇水南流經瓠口鄭白二渠出焉鄭國水工姓名邸與抵同櫟音

藥秦櫟陽唐萬年今爲咸寧

千里之鎬

孔穎達正義曰劉向上疏來歸自鎬我行永久千里之鎬猶以爲遠鎬去京師千里顏師古曰非豐鎬之鎬

直壯律臧

春秋傳晉子犯曰師直爲壯曲爲老 易師之初六師出以律否臧凶臧善也不以律善亦凶

太原

實沈封於大夏是爲參今太原陽曲舊晉陽也參爲大夏沈與沉同按韻音審

附眾威敵

史記晏嬰薦田穰苴曰穰苴雖田氏庶孽然其人文能附眾武能威敵

采芑

奭

路車有奭之奭許力切音興之入聲與召公名奭之音異召公奭音釋

芑

芑有二此詩之芑傳言菜也大雅文王有聲豐水有芑之芑傳言草也此詩之芑陸璣草木疏曰芑菜似苦菜莖青白色摘其葉白汁出脆可生食亦可蒸爲茹青州人謂之芑西河雁門芑尤美胡人戀之不出塞朱子曰卽今苦蕒菜後魏賈思勰齊民要術曰芹蘘其呂切江東人呼爲蕒芹蘘收根種之常足水忌潘泔及鹹水澆之則死性繁茂而甜脆白蘘尤宜糞歲歲可收潘泔米水也故云潘泔潘音番乎袁切泔音昔

新田菑畝

孔穎達詩疏曰田一歲曰菑二歲曰新田三歲曰畝釋地文菑者災也畝和柔之意也孫炎曰菑始災殺其草木也新田新成

柔田也畝和也田舒緩也郭璞曰今江東呼初耕反草爲苗

婁領樊

春官巾車注婁領之鉤婁隴主切音縷繫也

樊蒲官切音盤大帶馬飾也

葱珩

記玉藻三命赤芾葱珩周禮公侯伯之卿三命

治兵振旅鏡

左傳臧僖伯曰三年而治兵入而振旅歸而飲至以數軍實振整也收也數所矩切計也

鏡音叟似鈴鐻音濯似小鐘皆鉦也地官鼓人以金鐻和鼓以金鐻節鼓以金鏡止鼓以金鐸通鼓注曰鐻音淳鐻于也圓如碓頭大上小下樂作鳴之與鼓相和鐻鉦也形如小鐘軍行鳴之以爲鼓節鐻如鈴無舌有柄執而鳴之以止擊鼓鐸大鈴也振之以通鼓鼓人無鉦之文而鐻鐻鐻鐸皆鉦之

屬故并紀之

車攻

傳

毛傳齊豪齊力齊足皆爾雅釋畜之文

宣王時未有鄭

周宣王母弟桓公友封於鄭其地在京兆鄭縣桓公之子武公滑突隨平王東遷遂居河南之新鄭其地在滎陽宛陵西南宣王時未有河南之鄭也圃田澤後爲鄭之原圃

敖

敖山名左傳晉師救鄭在敖鄙之間鄙邱交切音敲杜預云敖鄙二山在滎陽縣西北

鳥

毛傳鳥達屨鄭箋金鳥黃朱色孔疏屨人注鳥有三等赤鳥爲上冕服之鳥也下有白鳥黑鳥此金鳥卽赤鳥也故箋云金鳥

黃朱色加金爲飾赤舄則尊莫是過故云達屨言赤舄是屨之  
最上達者也此舄也而謂之屨屨舄通名耳

時見殷見

春官注曰時見者言無常期也殷猶眾也

決拾飲

毛傳決鉤弦也拾遂也飲利也鄭箋飲謂手指相次比也孔疏  
傳以飲爲利其義不明故申而成之決著於右手大指所以鉤  
弦開體遂著於左臂所以遂弦手指相比次然後射得和利故  
毛云飲利謂相次然後射利非訓飲爲利也夏官繕人注挾天  
子用象骨拾鞬扞也以其遂弦故亦名遂決古注九經本作決  
周禮繕人作挾卽芄蘭之鞬大射之朱極三也

擘

柴與擘同同子智切積也凡薪禽之積皆曰柴故許慎說文作  
擘謂積禽也

夜軍中驚

西漢景帝三年吳楚反周亞夫以中尉爲太尉東擊吳楚既會  
兵滎陽東北走奏昌邑堅壁不出而使輕騎兵弓高侯等絕吳  
楚兵後食道吳兵乏糧饑欲挑戰終不出夜軍中驚內相攻擊  
擾亂至於太尉帳下太尉終臥不起頃之復定弓高侯韓積當  
也積與頽同挑徒了切

面傷踐毛不成禽

孔穎達正義曰凡射獸皆逐後從左箱而射之面傷謂當面射  
之踐音翦踐毛謂在旁而逆射之二者皆嫌誅降之義不成禽  
不獻惡其害幼小此不能使獵者無之自君所則不取以示教  
法耳大獸公之非復己物君賜使射故非中不言言嚮者田獵  
所取用勇力今射者禮樂所取用辭讓也

乾豆賓客充君之庖

禮記王制天子諸侯無事則歲三田一爲乾豆二爲賓客三爲

充君之庖乾居寒切鄭氏注曰三田者夏不田獵也惟春秋冬  
三時田獵耳 公羊傳諸侯田狩一曰乾豆二曰賓客三曰充  
君之庖何休注 一者第一之殺也自左臠射之達於右髀中  
心死疾鮮潔故乾而豆之中薦於宗廟臠音縹普沼切小腹兩  
邊肉一云脅後髀前肉也髀音隅又音偶肩前也一云肩前兩  
乳骨也射音石中音眾 二者第二之殺也自左臠射之達於  
右脾遠心死難故以為賓客遠于萬切 三者第三之殺也自  
左髀射之達于右髀中腸胃汚泡死遲故以充君之庖廚充備  
也髀音俾又音陞股外也髀音沓水賺也賺音歎苦簞切腰左  
右虛肉處也膾與胃同泡與胞同普交切益按何休解公羊第  
二殺與毛傳異毛公云射右耳本者次之鄭康成云射當為達  
謂達右耳本者次之也

每禽取三十

穀梁昭公八年傳禽雖多天子取三十焉其餘與士眾以習射

於射宮射而中田不得禽則得禽田得禽而射不中則不得禽  
是以知古之貴仁義而賤勇力也范甯注曰取三十以供乾豆  
賓客君庖射宮澤宮也

澤宮

記射義天子將祭必先習射於澤澤者所以擇士也已射於澤  
而後射於射宮射中者得與於祭不中者不得與於祭鄭康成  
曰澤宮名也士謂諸侯朝者諸臣及所貢之士也孔穎達曰澤  
宮言習射則未是正射射於射宮乃行大射東匯澤陳雲住小  
曰澤宮名其所在未詳疏云於寬閒之處近水澤而為之射宮  
即學宮也

東有甫草駕言行狩章附見毛傳及孔穎達正義

毛傳曰甫大也田者大艾草以為防或舍其中褐纏旃以為門  
裘纏質以為楸閒容握驅而入擊則不得入左者之左右者之  
右然後焚而射焉天子發然後諸侯發諸侯發然後大夫士發

詩傳卷第七  
天子發抗大綏諸侯發抗小綏獻禽於其下故戰不出頃田不出防不逐奔走古之道也艾魚廢切音刈楸倪結切又魚列切與槩闌同門中之闌也門下所限者謂之闕門中取正者謂之闌抗舉也綏如錐切音蕤擊吉詣切音計握乙角切頃苦穎切孔氏疏曰大芟殺野草以爲防限設防立門以織毛褐布纏通帛旃之竿以爲門兩傍門南開並爲二門用四旃四褐以裘纏榘質爲門中闌闌車軌之裏兩邊約車輪者也門之廣狹兩軸頭去旃竿之間各容一握握人四指爲四寸是門廣於軸八寸也馳走入門不得徐也軸頭擊著門傍旃竿則不得入所以罰不一也以天子六軍分爲左右令各在一方屬左者之左門屬右者之右門不得越離部伍教戰畢士卒出門乃驅禽於防焚草而射之舉綏爲表因獻禽於下也戰場有頃數戰者不出界榘知林切音砧軌音范車頭也綏解見秦駟鐵五射有過軍表軍表卽褐纏旃也

吉日

剛日

吉日戊剛日也曲禮外事以剛日內事以柔日甲丙戊庚壬剛乙丁己辛癸柔外事治兵內事冠昏祭祀

馬祖

周禮夏官校人校音效春祭馬祖夏祭先牧秋祭馬社冬祭馬步鄭氏注曰馬祖天駟也孝經說云房爲龍馬房星名也先牧始養馬者其人未聞馬社始乘馬者馬步神爲災害馬者孔穎達詩疏曰謂之伯者伯長也常祭在春將用馬力則又備禮禱之長上聲 周禮疏賈公彥作

差擇齊其足

爾雅釋畜曰旣差我馬差擇也宗廟齊色注云尙純戎事齊力注云尙強田獵齊足注云尙疾郭景純注爾雅又引毛公詩傳之文

漆沮之從

鹽韋鄜坊同

漆沮二水禹貢東會于涇又東過漆沮之漆沮孔安國云在涇水東一名洛水此與絲詩古公之自土沮漆異周禮職方氏雍州其浸渭洛是也或云沮一名洛

鹽韋鄜坊同皆州名鄜音孚洛水亦經延安境又西自韋州流至鄜州同州入河同華至河中府河濱在焉

羣友

列女傳獸三為羣古語獸二為友身二為朋

五齊

三酒

周禮天官酒正掌酒之政令辨五齊之名一曰汎齊二曰醴齊三曰盎齊四曰緹齊五曰沈齊齊鄭康成讀去聲音劑杜子春讀平聲音柔 鄭氏注 汎者成而滓浮汎汎然如今宜城醪矣汎芳劍切滓壯士切緹之上聲 醴猶體也成而汁滓相將如今恬酒矣恬與甜同 盎猶翁也成而翁翁然慈白色如今

酈白矣酈白即今白醪酒也盎烏浪切翁鳴動切酈當作醪並在何切 緹者成而紅赤如今下酒矣緹音體 沈者成而滓沈如今造清矣沈沉同

三酒辨三酒之物一曰事酒二曰昔酒三曰清酒周禮注鄭司農云事酒有事而飲也昔酒無事而飲也清酒祭祀之酒也立謂事酒酌有事者之酒其酒則今之醪酒也昔酒今之酋久白酒所謂舊醪者也清酒今中山冬釀接夏而成醪音亦鄭司農鄭眾也立鄭康成名

鴻鴈

勞者歌其事

韓詩外傳男女有所怨恨相從而歌饑者歌其食勞者歌其事

庭燎

司烜

物百枚束之

周禮秋官司烜氏凡邦之大事共墳燭庭燎烜音毀共音恭鄭

氏注故書墳為蕢鄭司農云蕢蜀麻燭也立謂墳大也樹於門外曰大燭於門內曰庭燎皆所以照眾為明

物百枚束之禮記郊特牲曰庭燎之百由齊桓公始也注云僭天子也庭燎之差公五十侯伯子男皆三十天子用百孔氏曰古制未得而聞要以物百枚并而纏束之今則用松葦竹灌以脂膏也

辨色

禮記玉藻朝辨色始入謂昧爽既明之後目視五色可辨之時也

河水

朝宗

周禮春官大宗伯春見曰朝夏見曰宗秋見曰覲冬見曰遇時見曰會殷見曰同鄭氏注此六禮者以諸侯見王為文朝猶朝也欲其來之早宗尊也欲其尊王覲之言勤也欲其勤王之事

遇偶也欲其若不期而俱至朝直遙切音潮朝也之朝張遙切音昭

祈父之什上

祈父

圻父薄違

書酒誥圻父薄違圻父政官司馬也謂之父者尊之也薄違圻父迫逐違命者也孔穎達曰古者祈圻畿同字得通用故此詩作祈尙書作圻

司右

五兵

夏官司馬之屬司右掌羣右之政令凡軍旅會同合其車之卒伍而比其乘屬其右凡國之勇力之士能用五兵者屬焉羣右者戎右齊右道右也齊 質切

五兵司馬法弓矢圍及矛守戈戟助凡五兵長以衛短短以救長

虎賁

司馬之屬虎賁氏掌先後王而趨以卒伍軍旅會同亦如之  
司右注右謂勇力之士充王車右賁音奔與犇同虎賁勇猛犇  
突之意

越句踐伐吳

越句踐伐吳大徇於軍曰有父母者老而無昆弟者以告句踐  
親命之曰我有大事子有父母者老而子爲我死子之父母將  
轉於溝壑子爲禮已重矣子歸沒而汝父母之世後若有事吾  
與子圖之 句踐越王名徇示也

魏公子救趙

魏公子無忌號信陵君公子將晉鄙軍勒兵下令曰父子俱在  
軍中父歸兄弟俱在軍中兄歸獨子無兄弟歸養得選兵八萬  
人進擊秦軍秦軍解去遂救邯鄲存趙 邯鄲趙建都之地  
薪水之勞

陶潛爲彭澤令不以家累自隨送一力給其子與書曰汝旦夕  
之費自給爲難今遣此力助汝薪水之勞此亦人子也可善遇  
之潛淵明名古今言陶潛字淵明然益觀淵明記其外祖孟嘉  
萬年遺事自稱淵明先親記尊者事不應自稱己字當是一名  
淵明而字元亮也  
不敢斥王

斥者指斥之謂明白指其人其事而言之今不敢言王之過而  
責司馬故云不敢斥王也大雅文王篇傳言以戒王而不敢斥  
言猶所謂敢告僕夫云爾左傳虞人之箴曰獸臣司原敢告僕  
夫不敢指斥言官箴王闕但云告於僕夫從者也

戰于千畝

國語周語曰宣王三十九年戰于千畝王師敗績于姜氏之戎  
張守節史記正義曰千畝原在晉州岳陽縣北杜元凱左傳注  
曰西河介休縣南有地名千畝

諫靈王

太子晉諫靈王之詞見國語周語韋昭注曰自厲王暴虐而流  
宣王不務修農而料民幽王昏亂而以滅西周平王不能修政  
至於微弱禍敗不止以宣王連數云厲宣幽平

白駒

留客投轄

漢陳遵字孟公嗜酒每大飲賓客滿堂輒關門取客車轄投井  
中雖有急終不得去

藿

小宛中原有菽毛公傳云藿也禮韻云藿大豆葉也菽者眾豆  
之總名豆於百穀之數其種二十於九穀之中則居其二其角  
謂之莢其葉謂之藿元魏張揖廣雅曰大豆菽也小豆荅也  
合切賈思勰齊民要術曰大豆生於槐小豆生於李大麥生於  
杏小麥生於桃其生實又為農祥故梅桃杏實多者來歲為之

穰師曠占術曰五木者五穀之先欲知五穀但視五木蓋五果  
分五行所以表五穀也嚴坦叔曰藿用以作羹

大者王小者侯

史記田儉傳田橫懼誅與其徒屬五百餘人入海居島中高祖  
聞之使上去使去赦田橫罪而召之曰田橫來大者王小者乃侯  
耳不來且舉兵加誅焉橫來與客二人乘傳去詣洛陽未至三  
十里尸鄉廐置遂自到客奉其頭從使者馳奏之高帝拜二客  
為都尉以王禮葬橫既葬二客穿冢旁自到餘五百人在海中  
聞橫死亦皆自殺田橫兄弟能得士也到古頂切割頸而死也  
我行其野

畜

畜養之畜許六切畜聚之畜敕六切畜聚亦作蓄聚許六切者  
一音吁玉切宋時諱避不用

六行教民

周禮地官司徒以鄉三物教萬民而賓興之一曰六德智仁聖義中和二曰六行孝友睦婣任恤三曰六藝禮樂射御書數鄭氏注曰物猶事也興猶舉也民三事教成鄉大夫舉其賢者能者以飲食之禮賓客之既則獻其書於王矣注六行曰善於父母為孝善於兄弟為友睦親於九族婣親於外親任信於友道恤振憂貧者

### 相保相受

大司徒令五家為比使之相保五比為閭使之相受鄭氏注曰保猶任也故書受為授杜子春云當讀為受謂民移徙所到則受之去則出之

### 不孝等刑

大司徒以鄉八刑糾萬民一曰不孝之刑二曰不睦之刑三曰不婣之刑四曰不弟之刑五曰不任之刑六曰不恤之刑七曰造言之刑八曰亂民之刑婣與姻同弟與悌同造言謂訛言惑

眾者亂民謂執左道以亂政者

斯干

### 奧窔

奧室之西南隅窔室之東南隅窔一作窔一作窔並鳥叫切音要又音沓詳見抑之屋漏

### 占六夢

周禮春官占夢掌其歲時觀天地之會辨陰陽之氣以日月星辰占六夢之吉凶一曰正夢二曰噩夢三曰思夢四曰寤夢五曰喜夢六曰懼夢季冬聘王夢獻吉夢于王王拜而受之乃舍萌于四方以贈惡夢注家之說曰正者無所感動平安自夢噩音鄂噩者驚愕而夢思者思念而夢喜者喜說而夢懼者恐懼而夢聘問也贈送也舍音釋萌者菜始生舍萌猶釋菜也陸農師曰人之精神與天地陰陽流通故夢之吉凶各以類至

### 守至正

禮記禮運曰宗祝在廟三公在朝三老在學王前巫而後史卜筮瞽侑皆在左右王中心無爲也以守至正鄭氏注曰宗宗人也瞽樂人也侑四輔也

紡塼

朱子語錄曰瓦紡塼也瓦紡時所用之物舊見人畫列女傳漆室女乃手執一物如今銀錠樣者意其爲紡塼也黃東發曰今所見紡無用塼者而與塼亦爲二物恐古今風俗不同爾嘗見湖州婦人各一瓦覆漆而索麻綾於其上歲久瓦率成坎古亦豈有此事而詩人指之與

孟子之母

五飯

幕

中饋

劉向列女傳孟母鄒孟軻之母也孟母曰夫婦人之禮精五飯冪酒漿養舅姑縫衣裳而已矣故有閨門之修而無境外之志易曰在中饋無攸遂詩曰無非無儀惟酒食是議以言婦人無擅制之義而有三從之道也故年少則從乎父母出嫁則從乎

夫夫死則從乎子禮也今子成人也而我老矣子行乎子義吾行乎吾禮君子謂孟母知其婦道 列女傳不著孟母姓氏名字

五飯五穀之飯

冪音覓其狄切蓋覆也

中饋家人六二伊川易傳婦人居中而主饋

彘

彘地名周夷王崩厲王立無道三十有七年王流于彘史記周本紀曰厲王出奔于彘太子靜匿召公家召公周公二相行政號曰共和共和十四年厲王死于彘太子靜長于召公家二相乃共立之是爲宣王周公召公世世有之

新宮

愍

儀禮燕禮升歌鹿鳴下管新宮笙入三成遂合鄉樂合音閭左傳昭公二十五年宋公享昭子賦新宮昭子賦車轄宋公宋元

公昭子叔孫婞車轄卽車牽也

猛憨多力憨胡甘切 第六章

無羊

爾雅釋獸曰牛曰齒郭璞注云食之既久復出嚼之也呵且之切音癡呵齒齟三字通 陸農師曰牛病則耳燥安則溫潤而澤故古之視牛者以耳祭義大夫袒而毛牛尚耳

建旃建旒

春官司常王建太常諸侯建旂孤卿建旛大夫士建物師都建旗州里建旃縣鄙建旒道車載旒旂車載旒旛旒通用師都六鄉六遂大夫道車象路旂車木路也九旗皆畫成物之象

節南山

譏世卿

公羊春秋隱公三年傳夏四月辛卯尹氏卒尹氏者何天子之

大夫也其稱尹氏何貶曷為貶譏世卿世卿非禮也

均平

不弔 空 昊天

朱子曰均本當從金如所謂泥之在鈞者按集傳訓均為平世言鈞衡亦取其平也

不弔之弔如字又丁歷切

空苦貢切

昊天不備備均也敕龍切音衝嚴坦叔曰考字一音容備者賃也此詩之備音容則非

誦

家父作誦之誦歌誦也左傳僖公二十八年聽輿人之誦注云歌誦也家家伯采邑後為家父

正月

申包胥

史記伍子胥傳吳兵入郢伍子胥求昭王不得掘楚平王墓出

其尸鞭之三百申包胥使人謂子胥日子之報讐其以甚乎吾聞之人眾者勝天天定亦能勝人申包胥求救於秦立於秦庭晝夜哭七日七夜不絕聲秦哀公憐之遣車五百乘救楚敗吳於稷

子思衛侯衰姒云旋

子思之言是孔叢子

衰姒見後白華

云旋陸農師曰云者象雲氣回旋之形故釋云為旋

燕雀處堂

吳薛瑀謂聘蜀漢後主還對吳景帝孫曰入其朝不聞直言經

其野民有菜色臣聞燕雀處堂子母相樂突決棟焚而怡然不

知禍之將及其是之謂乎燕雀處屋兩見呂氏春秋有始覽士

容論一見通鑑赧王五十六年孔子順言其說皆相類

詩傳旁通卷七

詩傳旁通卷八

小雅

祈父之什下

十月之交

日食分至說月行速璣衡星回于天天體渾天儀

春秋左氏傳昭公七年四月朔日有食之晉平公曰詩所謂彼

日而食于何不臧者何也士文伯對曰不善政之謂也國無政

不用善則自取謫于日月之災故政不可不慎也春秋自隱

公元年至哀公十四年二百四十二年之申日食凡三十有六

孔穎達詩正義曰日食者月食之也何休云不言月食者其

形不可得而覩故疑言日有食之周天三百六十五度四分度

之一日月皆右行於天一晝一夜日行一度月行十三度十九

分度之七二十九日有餘而月行天一周追及於日而與之會

交會而日月同道則食月或在日道表或在日道裏則不食矣

又曆象為交食之法大率以百七十三日有奇為限然月先在

裏則依限而食者多若月在表則依限而食者少杜預見其參差乃云日月動物雖行度有大量不能不少有盈縮故有交會而不食者或有頻交而食者此得之矣按朱子集傳取孔疏說謂月二十九日有奇而一周天又逐及於日而與日會陳尚德謂月二十七日有奇而周又二日有奇始與日會陳說在朱子語錄後 歐陽文忠公詩本義曰日君道也月臣道也望而至於黃道是謂臣干君明則陽斯蝕之朔而至於黃道是謂臣壅君明則陽爲之蝕十月之交於曆當蝕君子猶以爲變詩人悼之然則古之太平日不蝕星不孛蓋有之矣若過至未分月或變行以避之或五星潛在日下禦侮以救之或涉交數淺或在陽曆陽盛陰微則不蝕或德之休明而有小眚焉音生之聲則天爲之隱雖交而不蝕四者皆德之所由生也先儒又謂交而蝕陽微而陰乘之也交而不蝕陽盛而陰不能掩也此則係乎人事所感蓋臣子背君父妾婦乘其夫小人陵君子夷狄侵中國

所感如是則陰盛陽微而日爲之食矣

日食分至說左氏昭公二十一年秋七月壬午朔日有食之公問於梓慎曰是何物也禍福何爲對曰二至二分日有食之不爲災日月之行也分同道也至相過也其它月則爲災陽不克也故常爲水 朱子語錄曰橫渠說日月皆是左旋蓋天行甚健一日一夜周三百六十五度四分度之一又進過一度日行速健次於天一日一夜周三百六十五度四分度之一正恰好被天進一度則日爲退一度二日天進二度則日爲退二度積至三百六十五日四分日之一則天所進過之度又恰周得本數而日所退之度亦恰退盡本數遂與天會而成一年是謂一年一周天月行遲一日一夜行三百六十五度四分度之一行不盡比天爲退了十三度有奇至二十九日半強恰與天相值在恰好處是謂一月一周天進數爲順天而左退數爲逆天而右曆家以進數難算只以退

數算之故謂之右行且日日行遲月行速朱子又曰曆家只算所退之度卻云日行一度月行十三度有奇此乃截法故有日月五星右行之說其實非右行也橫渠云天左旋處其中者順之少遲則反右矣此說最好書疏璣衡禮疏星回于天漢志天體沈括渾天儀皆可參攷天左旋日月亦左旋恐人不曉所以詩傳只載舊說

曆家月行速陳普尚德日月行遲常以二十七日千十六分日之三百二十七而與天會二十九日九百四十分日之四百九十九而與日會一月一周天者以與日會言也其實二十七日日有奇而周又二日日有奇始與日會文公注十月之交以爲月二十九日有奇而周天又逐及於日而與日會蓋未詳也李迂仲曰唐志云十月之交以曆推之在幽王之六年時之豔妻卽褒姒故定爲幽王時書疏璣衡舜典在璿璣玉衡以齊七政孔穎達尚書正義曰

在察也釋詁文說文云璿美玉也玉是大名璿是玉之別稱璣衡俱是玉飾但史之說文不可云玉璣玉衡一指玉體一指玉名猶左傳云瓊弁玉纓所以變其文孔安國傳以璿言玉名故云美玉其實玉衡亦美玉也易賁卦象云觀乎天文以察時變日月星宿運行於天是爲天之文也璣衡者璣爲轉運衡爲橫簫運璣使動於下以衡望之是王者正天文之器漢世以來謂之渾天者是也馬融云渾天儀可旋轉故曰璣衡其橫簫所以視星宿也以璿爲璣以玉爲衡蓋貴天象也蔡邕云玉衡長八尺孔徑一寸下端望之以視星辰蓋懸璣以象天而以衡望之轉璣窺衡以知星宿是其說也七政其政有七於璣衡察之必在天者知七政謂日月與五星也木曰歲星火曰熒惑星土曰鎮星金曰太白星水曰辰星易繫辭云天垂象見吉凶聖人象之此日月五星有吉凶之象因其變動爲占七者各有異政故七政得失由政故稱政也

舜既受終乃察璣衡是舜察天文齊七政以審己之受禪當天心與否也馬融云日月五星皆以璿璣玉衡度知其盈縮進退失政所在聖人謙讓猶不自安視璿璣玉衡以驗齊日月五星行度知其政是與否重審己之事也上天之體不可得知測天之事見於經者唯有此璿璣玉衡一事而已蔡邕天文志云言天體者有三家一曰周髀二曰宣夜三曰渾天宣夜絕無師說周髀術數具在其考驗天象多所違失故史官不用惟渾天者近得其情今史所用候臺銅儀則其法也虞喜云宣明也夜幽也幽明之數其術兼之故曰宣夜但絕無師說不知其狀如何周髀之術以爲天似覆盆蓋以斗極爲中中高而四邊下日月旁行繞之日近而見之爲晝日遠而不見爲夜渾天者以爲地在其中天周其外日月初登於天後入於地晝則日在地上夜則日入地下王蕃渾天說曰天之形狀似鳥卵天包地外猶卵之裹黃圓如彈丸故曰渾

天言其形體渾渾然也其術以爲天半覆在地上半在地下其天居地上見者一百八十二半強地下亦然北極出地上三十六度南極入地下三十六度嵩高山正當天之中極南五十五度當嵩高之上又其南十二度爲夏至之日道又其南二十四度爲春秋分之日道又其南二十四度爲冬至之日道南下去地三十一度而已是夏至日北去極六十七度春秋分去極九十一度冬至去極一百一十五度此其大率也其南北極持其兩端其天與日月星宿斜而迴轉此必古有其法遭秦而滅揚子法言云或問渾天曰洛下閎營之鮮于妄人度之耿中丞象之幾乎莫之能違也是揚雄之意以渾天而問之也閎與妄人武帝時人宣帝時司農中丞耿壽昌始鑄銅爲之象史官施用焉後漢張衡作靈憲以說其狀蔡邕鄭玄陸續吳時王藩晉世姜岌張衡又一人葛洪皆論渾天之義並以渾說爲長江南宋元嘉年皮延宗又作是渾

天論太史丞錢樂鑄銅作渾天儀傳於齊梁周平江陵遷其器於長安今在太史書矣衡長八尺圓周二丈五尺強轉而望之有其法也

禮疏星回于天月令季冬是月也日窮于次月窮于紀星回于天數將幾終歲且更始孔穎達禮記正義曰去年季冬日次于亥枵從此每月移次他辰至此月窮盡還次亥枵故云日窮于次去年季冬月與日相會于亥枵自此月與日相會于他辰至此月窮盡還復會於亥枵故云月窮于紀二十八宿隨天而行每日雖周天一匝早晚不同至此月復于故處與去年季冬早晚相似故曰星回于天幾近也以去年季冬去今年季冬三百五十四日未滿三百五十六日未得正終唯近于終故云數將幾終 幾音祈又音機

漢志天體西漢書天文志日有中道月有九行中道者黃道一曰光道光道北至東井去北極近南至牽牛去北極遠東

至角西至婁去極中夏至至于東井北近極故晷短立八尺之表而晷景長尺五寸八分冬至至于牽牛北遠極故晷長立八尺之表而晷景長丈三尺一寸四分春秋分日至婁角去極中而晷中立八尺之表而晷景長七尺三寸六分此日去極遠近之差晷景長短之制也去極遠近難知要以晷景晷景者所以知日之南北也日陽也陽用事則日進而北晝進而長陽勝故為溫暑陰用事則日進而南晝退而短陰勝故為涼寒也故日進為暑退為寒若日之南北失節暑過而長為常寒退而短為常燠此寒燠之表也月有九行者黑道二出黃道北赤道二出黃道南白道二出黃道西青道二出黃道東立春春分月東從青道立秋秋分西從白道立冬冬至北從黑道立夏夏至南從赤道凡君行急則日行疾君行緩則日行遲日行不可指而知也故以二至二分之星為候日東行星西轉冬至昏奎八度中夏至氏十三度中春分柳

一度中秋分牽牛三度七分中此其正行也日行疾則星西轉疾事勢然也故過中則疾君行急之感也不及中則遲君行緩之象也至月行則以晦朔決之日冬則南夏則北冬至于牽牛夏至于東井日之所行為中道月五星皆隨之也沈括渾天儀夢溪沈括存中精天文學東坡亦敬為大儒渾天儀之說漢晉天文志孔穎達書疏大略已盡之蔡仲默書傳謂宋朝為儀三重其在外者曰六合儀次其外者曰三辰儀最在內者曰四游儀四游者東西南北無不周徧也沈括曰舊法規環一面刻周天度一面加銅丁蓋以夜候天晦不可目察則以手切之也古人以璿飾璣疑亦為此蔡氏曰今太史局祕書省銅儀制極精緻亦以銅丁為之

四分度之一日之一

陳壽翁曰四分度之一者周天全度外其零度有一度四分中之一分也以對周歲全日外其零日亦有一日四分中之一分

所謂四分日之一也壽翁名櫟新安人為蔡氏書傳纂疏正陽之月

沈存中曰日食正陽之月先儒正謂四月非也正謂四月陽謂十月王厚齋曰子由詩說與存中同集傳中蘇氏穎濱蘇子由也

春秋必書

春秋時日食隱公一桓公二莊公四僖公三文公二宣公三成公二襄公九昭公七定公三凡三十有六已見卷首此復出之

董子

董子董仲舒廣川人對漢武帝三策仕江都相

宰士

公羊傳天王使宰咺來歸惠公仲子之贈宰者何官也咺者何名也曷為以官氏宰士也何休注天子上士以名氏通中士以官錄下士略稱人咺吁阮切贈芳鳳切助喪之物車馬曰贈

蔡仲為卿士

左傳定公四年衛子魚曰管蔡啟商甚閒王室王于是乎殺管叔而蔡放也蔡叔以車七乘徒七十人以車徒放之也其子蔡仲改行帥德周公舉之以為己卿士見諸王而命之蔡蔡放之蔡一作祭桑葛切音撒甚音忌謀也閒音澗離也帥入聲

膳夫

天官屬掌王之食飲膳羞以養王及后世子

內史

春官屬掌王之八枋之灋以詔王治一曰爵二曰祿三曰廢四曰置五曰殺六曰生七曰予八曰奪 枋與柄同兵病切

趣馬

夏官屬掌贊正良馬而齊其飲食簡其六節注云簡差也差擇其馬以為六等

師氏

地官屬掌以嫩詔王以三德教國子一曰至德以為道本二曰敏德以為行本三曰孝德以知逆惡教三行一曰孝行以親父母二曰友行以尊賢良三曰順行以事師長居虎門之左司王朝掌國中丁仲切失之事以教國子弟凡國之貴游子弟學焉注云嫩與美同告王以善道也虎門路寢門也中失之中杜子春云中當為得記君之得失也餘見大雅雲漢

向

向音餉或云向姜國河陽西北三十五里有向城酈善長云軹南四十五里向城軹在濟源地名向上闕駟十三州志云軹縣南山西曲有故向地即周之向國皇父所作都于向者楚州承縣亦有向城乃甚邑之向非河內之向

雨無正

昊天旻天

首章之首浩浩昊天不駿其德次云旻天疾威弗慮弗圖昊天

身天之辨說者引九經考異曰身天疾威之身天字元作昊天或併經與注改作身天反謂昊天者非孔氏疏云上有昊天明此亦爲昊天 考異引孔疏

周官八職一曰正

天官宰夫掌百官府之徵令辨其八職一曰正二曰師三曰司四曰旅五曰府六曰史七曰胥八曰徒注云別異諸官之八職以備王之徵召所爲正譬于治官則家宰也 胥平上二音

退遂

程子易大壯傳如羝羊之觸藩籬進則礙身退則妨角進退皆不可也

漢侍中

後漢書百官志侍中比二千石掌侍左右贊導眾事顧問應對法駕出則多識者一人參乘餘皆騎在乘輿車後或置或否注曰侍中員本八人舊在尚書上今官出入禁中更在尚書下侍

中與中官俱止禁中武帝時侍中莽何羅謀逆由是出禁外有事乃入畢卽出莽何羅卽馬何羅謀逆故改王莽秉政侍中復與中官共上章帝時復出外獻帝初卽位置侍中給事黃門侍郎員各六人出入禁中近侍帷幄省尚書事

小舅

作舍道邊

東漢博士曹褒請著漢禮班固以爲宜廣集諸儒共議得失章帝曰諺言作舍道邊三年不成會禮之家名爲聚訟互生疑異筆不得下昔堯作大章一夔足矣乃拜褒侍中授以叔孫通漢儀十二篇曰此制散略多不合經今宜依禮條正使可施行

五事之德

洪範二五事貌言視聽思恭從明聰睿肅又哲謀聖蔡氏書傳曰貌言視聽思五事之序恭從明聰睿五事之德肅又哲謀聖

五德之用也

小宛

齊壹

人之齊聖齊音整齊之齊彼昏不知壹醉日富壹專也專務酣飲也此嚴坦叔之說

步屈

步屈一名蠖許慎說文以為屈伸蟲易繫云尺蠖之屈以求伸也爾雅尺字作𧈧从虫郭璞注以為蜘蛛揚雄方言以為蠶蠖其狀如蠶而絕小行則促其腰使首尾相就乃能進步屈中有伸故名屈伸鄭康成謂之屈蟲郭景純又謂之步屈今北方亦呼步屈老則吐絲作蠶然不可用 蜘蛛音即躡音促子六切蟻在資切

螟蛉蜾蠃

蜾字亦作蝮

陸農師埤雅曰果蠃即今細腰土蠶好禁蜘蛛

說文云天地之性細腰純雄無子列子曰純雄其名稚蜂蓋其類也糞泥作房如併竹管取桑蟲負之七日而化為子其祝聲可聽法言曰祝之曰類我蓋其音云也莊子曰細腰者化今呼天蜂啖子地中作房者亦曰土蜂非此細腰土蠶也果蠃一名蠓蠃亦作蠓並音蠓蠃音翁一名蒲盧中庸曰政也者蒲盧也化書曰嬰兒似乳母斯不遠也 南唐宋齊邱字子嵩者化書書糞泥糞音輦搬運也

嚴坦叔詩緝曰近世詩人取果蠃之巢毀而視之乃自有細卵如粟寄螟蛉之身以養之其螟蛉不生不死蠢然在穴中久則螟蛉盡枯其卵日益長大乃為蜾蠃之形穴竅而出蓋此物不獨取螟蛉亦取小蜘蛛置穴中寄卵於蜘蛛腹脅之間其蜘蛛亦不生不死久之蜘蛛盡枯其子乃成今人養晚蠶者蒼蠅亦寄卵于蠶之身久之其卵為蠅穴蠶而出殆物類之相似者黃東發日鈔曰震戊辰考試省闈聞同官宮教天台董華翁

云螺贏負螟蛉埋土中而寄子其身如雞抱子煖之而使生然其子卽螺贏之子非以螟蛉之子爲子也詩緝之說得之揚子雲之說則失之耳時有永嘉戴監伺聞其說亦云嘗親見蠨蛸負螟蛉入筆管有兩蠨蛸互飛而共營之初非獨陽無子而外取螟蛉之子爲子也今按陸氏蒲盧之名戴氏筆管之說則唐人有詩云窗裏日光飛野馬案頭筠管長蒲盧其蠨蛸營子之謂耶獨陽無子穀梁莊三年傳獨陰不生獨陽不生獨天不生三合然後生

狂獄

韓詩薛君章句鄉亭之繫曰狂朝廷曰獄薛君薛漢也亭道路所舍也 狂狴狴邊兮切狴狴同胡地野犬也所以守者故謂獄爲狴狴狴狴音痞路史小昊記云乃立狴獄造科律聽獄執中爲虞之士而天下亡冤封之于皋是曰皋陶小弁

鸞

鸞雅鳥也雅鴉通平上二音

鷓

鷓鳥之鷓音匹又音卑鷓鳥亦名鷓鴣

屬

三章經文不屬于毛之屬音燭傳文毛膚體之餘氣未屬此屬字音蜀

忍

六章維其忍之之忍當訓爲殘忍之忍如左氏傳所謂忍人也德宗太子

唐郾國大長公主肅宗之女下嫁蕭升其女爲德宗太子妃恩禮甚厚德宗貞元三年八月或告郾主淫亂且爲厭禱德宗大怒幽之禁中切責太子太子懼請與妃離婚帝召李泌告之且曰舒王近已長立孝友溫仁泌曰陛下惟一子奈何欲廢之而

立姪且陛下所生之子猶疑之何有于姪舒王雖孝自今陛下宜努力勿復望其孝矣此大事願陛下審圖之自古父子相疑未有不亡其國者帝曰爲卿遷延至明日思之必抽笏叩頭泣曰如此臣知陛下父子慈孝如初矣然陛下還宮當自審思勿露此意於左右露之則彼皆欲樹功于舒王太子危矣帝曰具曉卿意閒一日帝開延英殿獨召泌流涕曰非卿切言朕今日悔無及矣太子仁孝實無它也

巧言

忠言良藥

孔子家語六本篇孔子曰良藥苦于口而利于病忠言逆于耳而利于行湯武以諤諤而昌桀紂以唯唯而亡沛公入咸陽意欲畱居之樊噲諫不聽張良曰忠言逆耳利于行良藥苦口利于病願聽噲言  
何人斯

蘇暴

陳

蘇已姓子爵在夏曰伯懷州之武德有蘇古城在濟源西北二里樂史寰宇記云蘇忿生之故邑也暴暴新公采鄭邑也一日隧世本云周圻內國名

陳胡逝我陳堂塗謂之陳堂下至門之徑也陳風中唐有贊廟中路謂之唐唐之與陳廟庭之異耳唐亦堂下至門之徑也

字林

字林呂沈作以解字義張目卽爾雅注中語

盱衡

漢書王莽傳盱衡厲色孟康注曰眉上曰衡盱衡者舉眉揚目也盱許于切梁劉孝標絕交論見一善則盱衡扼腕遇一才則揚眉抵掌晉左太冲魏都賦魏國先生有睥其容乃盱衡而誥李善注曰誥告也本文作誥今集傳作語

祗

俾我祗也祗音祁支切鄭氏音止皮切祗字又作祗無下一畫按無下一畫者正音祁支切

三物

犬豕雞三物以詛鄭莊公詛射穎考叔者使卒出豶行出犬雞亦以此三物意古有其法爾

巷伯

孟子以讒被宮

漢書馮奉世傳班固贊馮參曰讒邪交亂貞良被害自古而然故伯奇放流孟子宮刑張晏曰寺人孟子賢者被讒見宮而作巷伯之詩也 墨劓荆宮大辟謂之五刑宮為淫刑男子去其勢而為閹人婦人則幽閉之

永巷

劉向列女傳周宣王姜后脫簪珥待罪永巷史記范睢傳睢得

見秦王於離宮佯為不知永巷而入其中王來而宦者怒逐之三輔黃圖曰永巷永長也宮中長巷幽閉宮女之有罪者武帝時改為掖庭置獄焉謂之掖庭詔獄

班固司馬遷贊

司馬遷薦李陵為將李陵戰敗降匈奴武帝怒處遷宮刑下蠶室遷有報任安書自陳己志漢書司馬遷傳班固贊曰嗚呼以遷之博學洽聞而不能以智自全既陷極刑幽而發憤書亦信矣信在其所以自傷悼小雅巷伯之倫夫惟大雅既明且哲能保其身難矣哉孔穎達曰司馬遷以良史之才所坐非罪及其刊述墳典辭多慷慨是以班固云小雅巷伯之倫焉

谷風

焚輪

爾雅釋天曰風焚輪謂之積郭景純注云暴風從上而下者積與頽同焚輪亦當時方言

藜藿

藜 藿 藜 藿 藜 藿

蒿者眾蒿之總名蒿之言高也爾雅藜之醜秋為蒿郭景純曰醜類也春時各有種名至秋老成皆通呼為蒿也

菑鹿鳴食野之蒿傳云菑也即青蒿也菑音去刃切又音牽去聲爾雅蒿菑注云今人呼青蒿香而中炙啖者為菑

菑爾雅釋草曰菑藜郭景純以為菑蒿亦謂之藜音藜蒿陸璣以為藜蒿又一名角蒿葉似邪蒿而細味似藜而香

蔚牡菑也青蒿之類也釋草以為牡菑陸璣以為牡蒿蓋蒿之雄而無子者三月始生七月著花八月為角一名馬新蒿一名馬先蒿蔚有角而云無子者蓋今之青蒿葉端皆作子

如米許大蔚則無之是以謂之牡蒿牡菑也

藜白蒿一名睡蒿青蒿蓋蒿背之不自者白蒿乃蒿背之白者耳

蕭亦青蒿爾雅蕭荻已見三卷王風陸璣以為荻蒿或以為牛尾蒿

葦藜蕭亦名藜蒿陸璣云葉青白色莖似箸而輕肥

葦蒿爾雅釋草購蒿葦舍人曰購一名藜藜郭景純云葦蒿也舍人漢時注爾雅者不載姓名有芸草者謂之芸蒿蓋香草也江東茹為生菜呼七里香附見於諸蒿之末云

王哀父死非命

魏齊王曹芳嘉平四年吳諸葛恪修東興隄魏司馬昭與戰敗走司馬師弟昭爵東關之敗昭問僚屬曰近日之事誰任其咎安東司馬王儀對曰責在元帥昭怒曰司馬欲委罪於孤耶

斬之儀子哀痛父死非命隱居教授三徵七辟皆不就未嘗西向而坐廬于墓側旦夕攀柏悲號涕淚著樹樹為之枯讀詩至

哀哀父母生我劬勞未嘗不三復流涕門人為之廢蓼莪家貧計口而田度身而蠶人或饋之不受助之不聽諸生密為刈麥

哀輒棄之遂不仕而終

大東

駕謂更其肆

鄭康成曰襄駕也駕謂更其肆也從旦至暮七辰辰一移因謂之七襄肆次也更平聲

啟明長庚箕斗

鄭漁仲曰啟明金星長庚水星金在日東故日將出則東見水在日西故日將沒則西見箕斗謂南斗韓昌黎詩我生之辰宿直南斗牛奮其角箕張其口揚州牛斗之墟指南斗也

四月

赤棟

所革霜狄二切

輶

攢車輪之木也

詩傳旁通卷八

